

XIKWEMBU XA MATIMBA LEXI

TI FUNUNGULEKE EMAHLWENI

KA HINA

 Ku ni Matsalwa mantsongo ndzi nga matsala ehansi, lawa ndzi tsakelaka kuvulavula na n'wina ha wona, nakona ndza tshembha leswaku Xikwembu xi ta katekisa ku tsana ka vuswikoti bya hina.

² Sweswi, vanhu votala va hlamala leswaku hikokwalaho ka yini hi nga nyawuli hi tlhela hi va na huwa. Maswitiva, lowu i muxaka wa maendlelo yo hambana wa—wa nhlengeletano kutlula leyi vanhu va—va tolreveleke ku yi vona. Nakona, hi ntoloveloo, xin'wana ni xin'wana xi hi muxaka wa maendlelo yo tsema ti oma. Kambe loko hi ta eka tinhlengeletano leti, laha ku nga nfanelo ya hina sweswi ku ringana malembe yo hlaya ku sukela loko va tava vasungurile, nakona hi ku tika a hi switivi leswi hi yaka eku swi endleni. Ntsena hota hi ta tinyikela hina hi hexe. Walowo hi wona nchumu wun'we lowu hi wu tivaka hi nga ta wu endla. Kutani Xikwembu xi endla leswin'wana hinkwaswo ka swona. Swingaleswi sweswo swi hi endla hi va vanhu lava va maendlelo lawa ya hambaneke.

³ Siku rin'wana, un'wana uteri, “Maswitiva, n'wina vanhu hakunene a mi nyawuli.”

Ndzi ku, “Kunene, ndzi—ndzi fanele hi tano.”

⁴ Nakona ndzi tsundzuka yin'we ya tinhlengeletano. Makwerhu Troy ari eku ndzi hlamuseleni nkarhi wun'wana hi Mujarimani lontsongo la nge teri u amukerile nkhuvelo wa Moya wo Kwetsima. Kutani hi siku leri a ri landzela, evhengeleni leri a tirha eka rona, a ta yimisa mavoko ya yena a dzunisa Hosi, niku vulavula hi tindzimi nikuya emahlweni ntsena, swa chavisa. Nakona ekuheteleleni, boso ya yena yi tile yi fika yi ku, “Heini, xana kuhumeela yini hi wena?”

⁵ Aku, “Oho, ndzi ponisiwile.” Aku, “Mbilu ya mina ntsena yi khuluka ntsako.”

⁶ Aku, “Kunene, a wu fanele u ri ehansi lahaya ni ntlawa walowo wa tinatsi.”

⁷ Aku, “Ina. Ku kwetsima a kuve eka Xikwembu!” Aku, “Aku khensiwe Hosi ha tinatsi.” Aku—aku, “Loko u teka movha, u nghena epatwini.” Niku, “U humesa tinatsi hinkwato

eka yona, a wa hari na nchumu handle ka ntlawa wa ti ‘yanki.’’ Nakona sweswo kova ntsena... Swo lava kuva kahle nyana, maswitiva.

⁸ Siku rin’wana, eCalifornia, a ndzi ri eku fambeni hi switarata swa Los Angeles, ndzi vonile wanuna loyi ari ni sayini exifveni xa yena, nakona *lahawani*. Hiloko aku, “Ndzi xiyutha xa Kreste.” Kutani un’wana ni un’wana a n’wi langutile. Kutani ndzi va tekerile enhlokweni loko va hundzuluka va languta, endzhaku kaloko a hundzile hi kwala kusuhi. Nakona a ndzi ehleketa leswaku ndzi ta landzelela na vunyingi bya vona. Kutani eka...endzhaku ka yena, u teri, “I xiphukuphuku xa mani ke?” Ina. Ndzi fanele hinkwerhu hi ni maendlelo lawa ya nga twisisekiki, un’wana eka un’wana, maswitiva.

⁹ Kambe, maswitiva, misava yi kumeka eka xindledyana xexo, kufikela laha swin’wana swi endlaka swi va leswi nga twisisekeki, kufikela laha vanhu va ehleketa leswaku hi swin’wana leswi nga hoxeka. Nakona hi ntolovelox Xikwembu xi endla swin’wana leswi nga tollovelekangiki, ku kuma vanhu leswaku vatlhelela endzhaku eBibeleni nakambe.

¹⁰ Ndzi nga ha swi anakanya leswaku Nowa ari wa muxaka wa—wa nati, eka nguva yaleyo ya xisayense leyi a hanya eka yona, hikuva a va kota ku kambisissa leswaku a kuna mati eswibakabakeni. Kambe Xikwembu xi teri kutava na man’wana lahaya. Swingaleswi, Nowa, hi ku chumayela niku swi pfumela sweswo, u vile nati.

¹¹ Kutani ndzi nga ha swi anakanya sweswo loko Muxe a ya eEgipta, ari wa muxaka wa—wa nati, eka Faro. Kambe tsundzukani, Faro ari nati, eka yena, nakambe. Swingaleswi va... Hi swi xiyisisile sweswo.

¹² Ambi Yesu u tekiwile tani hi muhehliwa. Hi swona sweswo. Martin Luther ari nati, eka kereke ya Katholiki. Na John Wesley ari nati, eka Anglican. Swingaleswi, maswitiva, i—i nkarhi wun’wana wa nati yin’wana. A mi swi ehleketsisi xiswona xana? [Nhlengeletano yi ku, “Amen.”—Muhleri.] Kambe, ku nga se va na nati, maswitiva, ku fanele kuva na bawuti, kusungula, leri ri nga ta bohiwa kona.

¹³ Swingaleswi, maswitiva, Nowa, kuva a ri nati, u... Ku teka nati, swi koka bawuti, ku koka swin’wana leswaku swiva kun’we, niku khoma swin’wana leswaku swiva kun’we. Swingaleswi, Nowa a fanele ku kokela hinkwavo lava nga ta pfumela, engalaveni, va huma eka ku avanyisiwa, hikuva ari nati.

¹⁴ Ha kumisia, leswaku, Muxe u kokile kereke yi huma eEgipta, hikuva ari nati. Sweswo hi swona.

¹⁵ Ndza ehleketa leswaku hi lava nati sweswi, ku koka Mutekiwa a huma ekerekenei. Hi lava swin’wana sweswi, un’wana

un'we, swingaleswi hi rixaka rin'wana leri nga nyawuliki ra vanhu. Nakona ndza eholeketa, madyambu ya namuntlha, loko Hosi yi swi rhandza, ndzi ta ringeta ku hlaya Matsalwa man'wana lawa mafambelanaka na leswi, nakona ndzi ta vulavula na n'wina ntsena xinkadyana, ni ringeta ku mi kombalawaku hikokwalaho ka yini hi ri vanhu lava va nga nyawuliki.

¹⁶ A hi pfuleni Matsalwa sweswi, eka va-Filipiya kuavanyisa ka vu2, 1-8, na va-Korinto va Vumbirhi 3:6. A hi hlayeni, tani hilaha hi pfumelaka Rito ra Xikwembu.

¹⁷ Nakona sweswi, ntsena hi nga se hlaya, a hi korhamiseni tinhloko ta hina hi ta khongela.

¹⁸ Tatana la Rhandzekaka wale Tilweni, hakunene hi vanhu va nkateko, emadyambyini lawa, ku hanya eka nguva leyi, niku vona swilo leswi hi swivonaka swi yaka emahlwenu, niku tiva leswaku nkarhi wu kusuhi swinene, laha Yesu a nga ta tela Kereke ya Yena. Oho, sweswo swi rhurhumerisa timbilu ta hina, Hosi! Nakona tani hilaha hi pfulaka nakambe tipheji, emadyambyini lawa, ha khongela leswaku U ta hi nyika mongo lowu humaka eka tsalwa leri. Nakona Moya wo Kwetsima wu nga hlawutela etimbilwini ta hina swilo leswi nga tava kahle niku tsakisa Xikwembu. Ha swi kombela hi Vito ra Yesu. Amen.

¹⁹ Maswitiva, pfumelani ndzi ta mi kombela ku endla swin'wana. Ndzi—ndzi tolloverile ku vutisa swilo leswi chavisaka, nakona ndza pfumela leswaku a ndzi vutisi nchumu lowu chavisaka ngopfu. Kambe loko hi boha xiboho eka mujeko, hinkwerhu ha yima. Kutani—kutani mujeko wu hundza hile kusuhi, ha yima; laha, hi nga ta swiendla. Nakona ha yima, hi losa. A hi yimeni hi milenge ya hina loko ha ha hlaya Rito, loko mi ta swikota, Va-Korinto va Vumbirhi 3:6.

Xi...nga xona lexi hi nyikeke matimba ya ku tirhela ntwanano lowuntshwa; wu ngari wa letere, kambe wuri wa moya: hikuva letere rona ra dlaya, kambe moya wa hanyisa.

Kambe loko—kambe loko mintirho ya rifu, leyi tsariweke hi maletere lama vatliweke maribyeni, yiri niku vonakala lokukulu, hi mukhuva walowo vona va Israel va tsandzekile ku vona Muxe hikwalaho kaku vangama ka mombo wa yena; kasi a kuri ku vangama loku a kuri ni ku hela:

Ntirho wa moya wu niku kwetsima loku tlurisaka ngopfu?

Hikuva leswi mintirho ya ku avanyisiwa a yiri niku kwetsima lokukulu, mintirho ya leswo lulama yi ta tlurisa hiku kwetsima loku hlamarisaka.

Kunene leswi ngi swi ri niku kwetsima eku rhangeni, a swa ha ri na ku kwetsima loku hundzisaka ngopfu.

Hikuva leswi nga ta hela loko swi ri niku kwetsima, njhani... kumbe ngopfu-ngopfu ku ta kwetsima leswi nga ta tshama.

Hikwalaho-ke leswi hi nga niku langutela loko tano, hi vulavula hi ku tshembha lokukulu.

Kutani a hi endli ku kota Muxe, la nga ti fihla emahlweni ka xisirhelelo, leswaku vana va Israel va nga tshuki va languta makumu ya leswi helaka:

Kambe ku anakanya ka vona ku nononhwisiwile: hikuva ku fika sweswi loko va hlaya timhaka ta ntwanano wa khale; xisirhelelo lexo xa ha tshamile xi nga suki hikuva xi nga susiwa hi Kreste ntsena.

Kambe ni sweswi, loko ku hlayiwa timhaka ta Muxe, xisirhelelo xa ha sirhelela timbilu ta vona.

Kambe siku va nga ta hundzukela eka Hosi, xisirhelelo xi ta susiwa. Ku ngari...

Hosi i Moya: kutani Moya wa Hosi laha wu nga kona, ku ntshuxeka ku kona.

Hina hinkwerhu, lava hlalelaka hi xivonivoni ku kwetsima ka Hosi, hi mahlo lama nga sirheriwangiki hi hundzukile xifaniso xi ri xin'we na yena hiku kwetsima loku yisaka eku kwetsimeni, ku nga hi Moya wa Hosi.

²⁰ Nakona eka va-Filipiya 2, hi hlaya leswi, hi sungula hi ya vul, kutani hi hlaya ku ya fika eka vhese ya vu8.

Hikwalaho—hikokwalaho kungaku loko ku Chavezela kuri kona ka Kreste, ni loko rirhandzu ri ri kona leri tiyisaka timbilu,... niku hlangana ka Moya, niku tsetselana ni tintswalo.

Hetisani ku tsaka ka mina, mi va niku twanana lokunene, ni rirhandzu rin'we, ni Moya wun'we, niku anakanya kun'ue.

Mi nga endli nchumu hiku kanetana hambi kuri hi ku tidzunisa ka swa hava; kambe un'wana ni un'wana hi ku titsongahata ka yena a anakanya ka yena leswaku van'wana va n'wi tlula hi vunene.

Un'wana ni un'wana a nga tshuki a hlayisa leswi nga swa yena ntsena, kambe a hlayisi ni... swa van'wana.

Mi va niku anakanya loku ngi, kuri ka Yesu Kreste:

Loyi, hambi ari ni xivumbeko xa Xikwembu, a nga anakanyanga ku tiyisa kufana ka yena na Xikwembu:

Kambe u titshangurile, hi ku teka xiyimo xa nandza, a tiendla la fanaka ni vanhu:

Kutani loko a kumiwe a fana ni munhu, a titsongahata, a va a tiendla la yingisaka ku yisa ku feni, nile kufeni ka xihambano.

²¹ A hi khongeleni.

²² Tatana la nga eMatilweni, Rito leri lerikulu leri hlayiweke, emadyambyini lawa, kusuka eka Tsalwa ro Kwetsima ra Wena, ri endli Ri va lerinene etimbilwini ta hina, leswaku hi ta famba loko hi suka lahawani tani hi lava a va ya eEmausi, vaku, “Timbilu ta hina a titshwanga exikarhini ka hina tani hiloko A vulavula na hina endleleni hinkwayo xana?” Ha swi kombela hi Vito ra Yesu. Amen.

Mi nga tshama.

²³ Sweswi, leri i tsalwa leri nga nyawuliki, kambe ndza ehleketa ri ringanerile nkarhi. Ndzi lava ku vulavula hi nhloko-mhaka leyи nge: *Xikwembu Xa Matimba Lexi Ti Fununguleke Emahlweni Ka Hina*.

²⁴ Sweswi, kusukela loko ku tava kuri ni munhu, ku vile ni ndlala embilwini ya munhu, ku swi kambisia: laha a humaka kona; ni leswaku i xivangelo xihi xa kuva a ri lahawani; ni laha a yaka kona. Kova na Un’we la nga swi hlamlakaka sweswo, yaloye hi Loyi a n’wi tiseke lahawani. Nakona munhu minkarhi hinkwayo u lava ku vona Xikwembu.

²⁵ “Ku tlhelela endzhaku eka Testamente ya Khale, hi kuma leswaku Xikwembu xona hi Xoxe xi ti funengetile eka lava nga pfumeriki. Xikwembu xi na ndlela leyи nga nyawuliki yo tirhana na vanhu. Xa ti tumbeta xona hi Xoxe eka lava nga pfumeriki xi ti paluxa xona hi Xoxe eka vapfumeri. Xikwembu xi endla sweswo.” Yesu u khensile Tatana, leswaku, “Xi fihlile swilo leswi eka lava va tlhariheke ni titlharhi ta misava, nakona xi Swi paluxela eka vana vo fana ni lava va nga ta dyondza.” Swingaleswi, hi kuma leswaku Xikwembu a xi kalanga xi hundzuka, eka ntumbuluko wa Xona, nakona minkarhi hinkwayo Xi endla mintirho ya Xona kufana. Ha swi kumisisa, eka Malakiya 3, loko Xi ku, “Ndzi Xikwembu, nakona a Ndzi hundzuki.” Swingaleswi, Xi tirha hi maendalelo man’we, nkarhi hinkwawo.

²⁶ Sweswi hi teka yin’we ya tibuku ta khale ta Bibele. Loko Yobo, un’wana wa vavanuna lava lulameke va siku ra yena, wanuna wo hetiseka eka milawu ya Xikwembu, nandza, wa xiyimo xa le henhla, nandza wo xiximeka, hambi Xikwembu xi teri, “Kuhava la fanaka na yena, emisaveni.” Kambe...ku tsakela ka yena, nkarhi wun’wana, i ku vona Xikwembu. A switiva leswaku kuna Xikwembu, nakona a titwa a tsakela ku Xi vona, kumbe, hi ndlela yin’wana, ku ya endlwini ya Xona u ya gongondza enyangweni, i ku, “Ndzi tsakela ku vulavula na Wena.” U tshama ehansi, u vulavula na Xona, tani hiloko u ri na un’wana.

²⁷ Hi na kutwisia. Sweswo hi swona swi endlaka leswaku hi va lahawani eka tinhlengeletano leti, laha hi taka kun'we ni—ni ku hlamusela miehleketo ya hina. Kutani—kutani hi na ku twisisana na un'wana, ko antswa, loko hi vulavula swilo na un'wana. Ni vaministara va swi endla sweswo. Vanhu va mafambelo hinkwawo ya vutomi va swi endla, va vulavula hi swona.

²⁸ Kutani, Yobo, Xikwembu a xi ri lexinene eka yena, u lavile ku kumisisa loko kuveni a ngaka a nga swikoti ku famba, a gongondza enyangweni wa Xona, nakona—nakona u vile ni—ni nkonganiso na Xona.

²⁹ Kambe hi kuma leswaku Xikwembu xi vulavurile na yena, kambe a Xi tifunengetile. A Xi tifunengetile hi xivumbeko xa xihuhuri. Nakona Xi byerile Yobo ku tsimba xisuti xa yena; a Xi ya eku vulavuleni na Yena, tani hi munhu. Nakona Xi enhlile hi xihuhuri nakona—nakona xi vulavula na Yobo. Kutani Xi ti tivisile eka Yobo hi xihuhuri, hambi leswi o ka a nga Xi vonangiki kahle. Ntsena u lo titwela moyo wu hunga niku rhendzeleka, emisinyeni. Hiloko Rito ri ta ri huma exihuhurini, kambe Xikwembu a xi tifunengetile eka xihuhuri.

³⁰ Hi kuma leswaku, ehansi eAfrika, Afrika Dzonga, va tirhisa rito *moya*, leswi swivilakwa, “matimba lawa ya nga voniwiki.”

³¹ Nakona Matimba lawa ya nga voniwiki, exihuhurini, ku twakala Rito. Ri vulavurile na Yobo, hambi leswi o ka anga vonangiki xivumbeko xa Xona. Kambe a Xi tifunengetile, eka yena, hi xihuhuri.

³² Hi kuma un'wani wa vaprefeta lavakulu va Bibebe, Muxe, wa Testamente ya Khale, un'wana loyi a hlawuriweke hi Xikwembu, la hlawuriweke, vatirheli lava xiximiweke, na yena a tsakela ku Xi vona. A ri ekusuhi na Xona, nakona u vonile swo tala swa voko ra Xona ra ximoya ri famba emahlweni ka yena niku endla swilo leswi nga endliwaka hi Xikwembu ntsena. U tsakerile ku Xi vona siku rin'wana, nakona Xikwembu xi n'wi byerile leswaku, “Famba, u ya yima eribyeni.”

³³ Kutani loko a ha yimile eribyeni, Muxe a Xi vona xi hundza. U vonile nhlana wa Xona ntsena. Hiloko a ku, “Xi languteka tani hi wanuna, nhlana wa wanuna.” Kambe, a nga vonanga Xikwembu. Ntsena u lo vona nguvu ya Xikwembu.

³⁴ Bibebe yi teri, “Ku hava munhu loyi a nga vonaka Xikwembu nkarhi wun'wana ni wun'wana, kambe hi loyi ntsena a nga Kurisiwa hi Tatana la N'wi hlambanyeke.” Swingaleswi, Muxe u Xi vonile, xi tifunengetile, tani hi Wanuna. Hi kuma leswaku Yehovha wa Testamente ya Khale a ri ntsena Yesu wa Testamente Leyintshwa.

³⁵ Nakona—nakona Dok. Scofield lahawani, hi kuma leswaku, rito ra yena, ri ncinka kusuka eka “xivumbeko.” Hi

kuma rito *en morphé*, hi Xigriki, laha swivulaka “leswi nga voniwiki swi endliwile leswi voniwaka.” Swin’wana leswi swi nga taka... Ha switiva swi kwalahaya. Swi tava tano... a swi nge voniwi, kambe hambi hi swi tiva leswaku swi kwalahaya. Nakona loko Xi ncicile xivumbeko xa Xona, xa *en morphé*, leswi swivulaka leswaku Xi ncicile kusuka eka leswi nga riki swa ntumbuluko kuya eka ntumbuluko.

³⁶ Nakona ntsena Xi ncicile maska ya Xona, hi ndlela yin’wana. Swi fana na drama. A Xi ri eku yi tlangueni. Nakona hi Xigriki, loko va ta ncica timaska ta vona, kumbe ku tlanga kan’we, mutlangi un’we a nga hava a tlanguile eka swiphemu swo tala swo hambana.

³⁷ Nakona nhwana wa mina, u kona kwalahawani, ntsena a va ri na swona exikolweni xale henhla, ti—ti drama. Kutani jaha rin’we leri a ndzi ri tiva, ri tlanguile kwalomu ka swiphemu swa mune, kambe ri taya endzhaku ka xiteji a ya ncica ma—ma maska ya yena, ku endlela ku humela ehandle, ku ya encenyeta ximunhuhatwa xin’wana.

³⁸ Sweswi, loko mi nga teka vuprofeta bya Testamente ya Khale kuya hi leswi Mesiya a fanele a va xiswona, mi nga ha swi pimanisa hi vutomi bya Yesu, nakona mina swona hakunene leswaku Yesu a kuri mani. A nga ri ntsena munhu. A ri Xikwembu, *en morphé*. Xi ncicile kusuka—kusuka eka leswi ngariki swa ntumbuluko kuya eka ntumbuluko wa xivumbeko xa Munhu. Hambi swi ri tano, Yena a ri Xikwembu, lexi xi tivotakariseke enyameni, xi tifunengeta hi yumunhu, nguvu ya nyama.

Nakona mi languta Testamente ya Khale.

³⁹ Ndza—ndza—ndza switiva leswaku ndzi vulavula eka vayingiseri lava va nga hlanganana, emadyambyini lawa, kusuka eka swiphemu swo hambana swa misava. Nakona hi lahawani ku ta kumisia. Leswi hi swi—leswi hi swi endlaka? Leswi—leswi hi nga xiswona? Hi kuma yini kwihi? Ku humeleta yini xana? Xana swivula yini hinkwaswo leswi?

⁴⁰ Kutani sweswi ha swi kuma, lahawani, leswaku, vavanuna lava ntsongo va va-Yuda ni vavasati, ni varhabi e—e—etempeleni, emasikwini lawa ya hundzeke. Loko a va hlalerile Bibele, vuprofeta, ematshan’wini ya mindzhavuko, a va tava va switekerile enhlokweni leswaku Yesu a ri mani. A va tava va nga N’wi vitananga Beelzebub. A va tava va nga N’wi vambanga. Kambe, hinkwaswo swi fanele swi humela ehandle. Xexo i xiphemu xa drama. Nakona a va ri mabofu, eka mhaka leyti.

⁴¹ Swifana na n’wina vavanuna vanyingi, vavasati, n’wina mi nga lahawani emadyambyini lawa, mi nga hava mi ri tintangha ta mina kumbe mi ndzi hundza nyana. Ma tsundzuka, lahawani eAmerika, emalembeni lawa ya hundzeke, ku nga seva

na... Muchayina... Makwerhu wa mina, loyi a nga titivisa ntsena lahawani, loyi a teke emiehleketweni ya mina loko ndza ha vulavula ha yena. Leswi va nga toloverisa xiswona ku... A va nga swikoti ku vulavula Xinghezi, nakona a va—a va fambisa ndhawu yo hlantswela. Nakona loko u ya eka ndhawu ya yena yo hlantswela, ku ya teka swiambalo swa wena loko swihlantswile. Va—va vavanuna va Machayina va ndhawu yo hlantswela va ta teka xilipi, nakona va ta xi handzula hi ndlela yin'wana. U teka xiphemu xin'wana xa xilipi; a teka xiphemu xin'wana. Kambe loko u vuya u ta koxa swilo swa wena, swiphemu leswi swimbirhi swa maphepha swifanele swi khomana. Nakona loko swi nga hlangani kahle... U ngaka u nga swi encenyeti hi ndlela yin'wana, hikuva u na xiphemu xin'wana nakona u ni xin'wana. Nakona loko xi encenyetiwile... Swingaleswi u ni mfanelo yo koxa leswi nga swa wena. Kutani u va ni leswi swi nga swa wena, loko u fuwa xiphemu xin'wana xa kontraka.

⁴² Swingaleswi switano, madyambu lawa, loko hi ri na xiphemu xin'wana xa kontraka. Loko, Xikwembu xi a va N'wana wa Xona ha vumbirhi, eXihambanweni, xi tekele miri ehenhla leswaku wu va Gandzelo, xi rhumela Moya ehansi eka hina, walowo wu nga tshama wu hanya eka Wanuna, Yesu. Xikwembu xexo lexi xi fanaka lexi xi nga engubyeni madyambu lawa, hi xivumbeko xa Moya wo Kwetsima. Swiphemu leswi mbirhi swifanele swi ta swin'we, swingaleswi mi tava mi ri xiphemu xa kontraka. Xikwembu xi swi endlile leswi, leswaku xi tiveka ku antswa eka munhu, loko Xona xi tiendlile Munhu xona N'winyi.

⁴³ A ndzi ri ekuhlayeni ka xitorhi, emalembeni man'wana lawa ya hundzeke. Nakona eka xitorhi lexi, xi teri hosi ya kahle, yo xiximeka... ndzi rivarile vito ra yona, sweswi nyana. A ndzi nga ehleketi leswaku ndzi ta vulavula hi xitorhi. Xi, kumbexani i xithathelo, kambe swi hi yisa eka xitiya nhlana xa mhaka leyi hi lavaka ku yi vula. Hosi leyi, a yi ri hosi yo xiximeka, nakona a ri murhandzi wa timhaka ta yena, kufikela laha, siku rin'wana, emahlweni ka—ka murindzi wa yena ni va vukosi, a ku, "Namuntlha, mi ndzi vona ro hetelela, emalembeni yo tala."

⁴⁴ Murindzi wa yena ni vahlonipheki va yena va ku eka yena, "Hosi ya kahle, hikokwalaho ka yini u vula tano? U ya etikwени rimbe, kun'wana, kutani u ya va xi ta xi famba xana?"

⁴⁵ A ku, "Ee. Ndzi tava kwala. Kunene," a ku, "Ndzi ya ehandle eka timhaka ta mina. Ndzi ya ndzi ya va murimi. Ndzi ya eku tsemeleleni ka tihunyi hi banga. Ndzi ya eku—eku rimeni ka misava hi xikomu. Ndzi ya eku tsheneneni ka vhinyo ni lava va tshenaka vhinyo. Ndzi ya va un'wana wa vona, leswaku

ndzi kota ku tolovelana ni leswi va swi endlaka. Nakona ndza va rhandza. Nakona ndzi lava ku tolovelana swinene na vona, hi vumina. A ve nge ndzi tivi. Kambe, hambi swi ri tano, ndzi lava ku tolovelana na vona, hi ndlela ya leyo.”

⁴⁶ Kutani hi mixo lowu a wu landzela, loko vahlawuriwa va yena, hinkwavo vanhu va yena loko va n’wi vona, kumbe van’wana lava a va ri exigodlweni, va nga hluvula harhi ya yena va yi veka ehansi exitulwini, exiluvvelweni; va n’wi hluvula swiambalo swa vuhos, va n’wi ambexa swiambalo swo rima, a famba exikarhini ka vanhu.

Sweswi, eka xitorhi nyana xexo, hi kuma swa Xikwembu.

⁴⁷ Va teri eka hosi, va ku, “Hosi, ha ku lava. Ha ku rhandza. Hi—hi ku lava u tshama u ri hosi.” Kambe u lavile kuva un’wana wa vona, leswaku a tava tiva ku antswa, leswaku va nga ha n’wi tiva ku antswa, hakunene hi leswi a ri xiswona. Swi ta kombeta eka vona leswi hakunene a ri xiswona.

⁴⁸ Kutani sweswo hi leswi Xikwembu xi swi endleke. Xi—Xi tincicile xona N’winyi, kuva xi ri Yehovha Xikwembu, leswaku xi va un’wani wa hina, leswaku Xi nga ha hlupheka, Xi nga ha nantswa rifu, Xi nga ha tiva leswaku ndzhombho wa rifu a wuri njhani, hiloko xi teka xigwevo xa rifu ehenhleni ka xona N’winyi. Xi veka ethelo Xi—Xi xidlodlo xa Xona ni swiambalo swa Xona swa vuhos, kutani xi va un’wana wa hina. Xi hlantswile minkondzo hi ku—hi ku—hi ku titsongahata. Xi tshamile ematendeni, ni swisiwana. Xi etlerile e—e nhoveni nile switarateni, ni lava va nga riki ni nkateko. Xi vile un’wani wa hina, leswaku Xi nga hi twisisa ku antswa, ni leswaku hi nga Xi twisisa ku antswa.

⁴⁹ Sweswi, ndza ehleketa, eka sweswo, hi kuma leswaku, xa tincica, xona N’winyi, leswi Xi swi endleke. Loko mi nga xiyisia, Xi tile hi vito ra vana vanharhu. Xi tile hi vito ra N’wana wa munhu, ni hi N’wana wa Xikwembu, ni hi N’wana wa Davhida. Xi tile tani hi N’wana wa munhu.

⁵⁰ Sweswi, eka Ezekiel 2:3, Yehovha, yena hi Yexe, u vitanile Ezekiel, muprefeta, “n’wana wa munhu.”

⁵¹ *N’wana wa munhu* swivula “muprefeta.” U fanele a ta hi ndlela ya leyo, ku ta hetisisa Deuteronomia 18:15, laha Muxa a nge teri, “Hosi Xikwembu xa n’wina xi ta mi pfuxela muprefeta ku kotisa mina.” A nga kalanga a tititana yena hi Yexe N’wana wa Xikwembu. U kongomisile eka yena N’winyi, “N’wana wa munhu,” hikuva U fanele ku ta kuya hi Matsalwa. Wa vona? U fanele a handzula a endla swiphemu swimbirhi swa maphepha, vuprefeta bya Testamente ya Khale ni vumunhuhatwa Lebyi byi nga bya Yena, leswaku swifana hakunene. Swingaleswi, U tile, N’wana wa munhu, U tile hi xivumbeko xexo.

⁵² Swingaleswi hi kuma leswaku, endzhaku ka rifu ra Yena, a lahliwa, niku pfuka, U tile hi Siku ra Pentekosta, tani hi N'wana wa Xikwembu; Xikwembu, Moya, hi xivumbeko, xa Moya wo Kwetsima. A endla yini xana? A ri eku tinciceni yena hi Yexe, a ti endla yena N'winyi a titivisa evanhwini va Yena hi swivumbeko swo hambana. Tani hi, Moya wo Kwetsima, laha ku nga Xikwembu, U tile a ta tirha kuya hi tinguva ta tikereke, tani hi N'wana wa Xikwembu, Moya wo Kwetsima.

⁵³ Kambe, eka Miliniyamu, U ta tani hi N'wana Davhida, ku ta tshama exilovelweni xa Davhida, Hosi. U fanele a teka xiluvelo xa Davhida. U le xiluvelweni xa Tatana sweswi. Hiloko a ku, "Loyi a nga ta hlula u ta tshama na Mina exilovelweni xa Mina, tani hilaha Ndzi hluleke nakona ndzi tshamile exilovelweni xa Tatana wa Mina." Swingaleswi, Yena, eka Miliniyamu, U tava N'wana wa Davhida. I yini xana? Xikwembu lexi fanaka, nkarhi hinkwawo, ntsena xi tincinca maska ya Xo—Xo Xona.

Mina, eka nsati wa mina, ndzi nuna.

⁵⁴ Mikale mi swi tekela enhlokweni xana? Wansati wa Musamariya u teri, "N'wana wa Davhida, ni tweli vusiwana." Yena, a nga kalanga a N'wi karhata, na swintsongo. A nga ri ni nfanelo ya ku N'wi vitanisa xisweswo. A nga ri ni leswi a nga swi koxaka eka Yena tani hi N'wana wa Davhida. Yena—Yena i N'wana wa Davhida, eka mu-Yuda. Nakona sweswi Yena u tile... Kambe loko wansati a tava a N'wi vitanile, "Hosi," A ri Hosi ya yena, swingaleswi u kumile leswi a swi kombela.

Sweswi, tani hi, Yena a ti ncincaka yena N'winyi.

⁵⁵ Sweswi, ekaya ra mina, ndzi vanhu vanharhu vo hambana. Ekaya ra mina, nsati wa mina u ndzi vitana nuna wa yena. Nhwana wa mina lahaya, a nga fanelanga ku ndzi vitana nuna wa yena; ndzi tatana wa yena. Ni xitukulwana xa mina lexintsongo lahaya xa jaha, ndzi kokwana eka xona, swingaleswi a xi na nfanelo ya ku ndzi vitana tatana. A ndzi tatana wa xona. Jaha ra mina i tatana wa xona. Ndzi kokwana wa xona. Kambe ndza ha ri munhu un'we.

⁵⁶ Nakona Xikwembu, leswi Xi swi endlaka, ntsena Xo tincinca xona N'winyi, leswaku xi va rixaka lero, leswaku xi titivisa xona N'winyi eka vanhu va lava. Nakona sweswo hi swona swi endleke leswaku hi va lahawani ku ta kumissa, emadyambyini lawa. Hi ndlela yihi leyi Xikwembu xi faneleke ku titivisa xona N'winyi eka vanhu nile ka nkarhi lowu xana? Xi ncincaka maska ya xona, Xi ncincaka maendlelo ya Xona, kambe a Xi ncinci yimeko wa Xona. A Xi ncinci ntumbuluko wa—wa Xona. Ntsena Xi ncincaka maska ya Xona, kusuka eka yin'wana kuya eka yin'wana. Xa swi endla, ku ti paluxela erivaleni evanhwini xona hi Xoxe, leswaku va nga ha tiva leswaku hi Xona mani, ni leswi Xi nga xiswona.

⁵⁷ Eka va-Heveru 1, ha yi hlaya, "Xikwembu, xi vulavurile khale na vatatana hi minkarhi leyo tala ni mikhuva leyo tala, xi vulavula hi vaprofeta, kambe sweswi hi masiku lawa ya makumu xi vulavurile na hina hi N'wana wa Xona, Yesu."

⁵⁸ Sweswi, "Vaprofeta," Yesu u teri, loko A hari lahawani emisaveni, "a vari swikwembu. Mi va vitana 'swikwembu' leswi, laha Rito ra Xikwembu ri nga ta hi vona. Nakona Matsalwa ya ngaka ya nga tshoveki," U vule tano. A ku, "Xana u nga N'wi avanyisela yini, loko Yena a ri N'wana wa Xikwembu?" Wa vona?

⁵⁹ Rito ra Xikwembu ri longolokile eka nguva yin'wana ni yin'wana, leswi Ri faneleke kuva xiswona. Nakona Yesu i muhetisisi wa vuprofeta hinkwabyo. "Eka Yena kutshama kuhetiseka ka mirhi wa Vukwembu bya xona." Ri le ka Yena. Hi Yena loyi a ri eka Yosefa. Hi Yena loyi a ri eka Eliya. Hi Yena loyi a ri eka Muxe. Hi Yena loyi a ri eka Davhida, hosi leyti yi a riweke.

⁶⁰ Vanhu lava va nga va yena va n'wi ala, tani hi hosi. Nakona tani hiloko a huma e-e khorhweni ya khotso, lontsongo, nakulorhi loyi a tikeriwa a kasakasa hinkwako, a swi nga fani tani—tani hi mfumo wa yena, mafumele ya yena, nakona a n'wi tshwutela hi marha. Hiloko murindzi a humesa ripanga ra yena, a ku, "Ndzi nga tshika nhloko ya leyo ya mbyana eka yena, a tshwutela hosi ya mina?"

⁶¹ Kutani Davhida, kumbexani a nga tekelanga enhlokweni leswi a swi endla enkarhini walowo, kambe a ri ni ntoto. Hiloko a ku, "N'wi tshikeni a ri yexe. Xikwembu xi n'wi byerile leswaku a swi endla sweswo." Nakona u gonyile ehenhla exigangeni a rilela Yerusalem, hosi leyti ariweke.

⁶² Mikale mi swi tekela enhlokweni xana? Emalembeni ya ntsono ya dzana kusukela kwalaho, N'wana wa Davhida a va a tshwuteriwile, eswitarateni, nakona a ri exigangeni, ntshava leyti yi fanaka, a languta ehansi eYerusalem, Hosi leyti yi ariweke. Yi rila, "Yerusalem, Ndzi nga ku wunga njhani tani hi mbhaha loko wu fukamela, kambe a wu ngevi tano?"

⁶³ A nga kalanga a ncincia ntumbuluko wa Yena, hikuva va-Heveru 13:8 yi ri, "Hi yena tolo, namuntlha, ni hilaha ku nga heriki." Xikwembu xi ti endlile nyama, leswaku xi ta kota ku fa, ku hi kutsula evudyoheni. Sweswo hi swona leswi swi ncinceke vu Yena, kuva mu—mu Munhu.

⁶⁴ Ha swi vona, eka Mukwetsimi Yohana 12:20, va-Griki a va twile hi ta Yena. Swingaleswi, kuhava munhu la nga tshama a twa ha Yena handle ka timbilu ta vona leti a ti tshwela ku N'wi vona. Tani hi Yobo ni vaprofeta va khale, hinkwavo va lavile ku N'wi vona. Swingaleswi, va-Griki lava va tile ku ta N'wi vona. Va tile eka Filipi, loyi a ri wa Bethsaida, va ku, "Nkulukumba, hi nga n'wi vona Yesu."

⁶⁵ Va-Griki va lavile ku N'wi vona, kambe va hlulekile ku N'wi vona hikuva A ri etempeleni ya Yena ya yumunhu. "Xikwembu a xi ri eka Kreste, a ri eku rivaleleni ka misava hi vu Yena." Swingaleswi hi kuma sweswo, eka leswi, va-Griki lava va ngaka va nga N'wi voni.

⁶⁶ Nakona xiyisisani marito ya lawa Yesu a nga ya hlamusela eka vona, endzhaku ka swona. A ku, "Handle ka kamba ra koroni riwelaka ehansi, ri fa, ri tshama ri ri roxe." Hi marito man'wana, va ngaka va nga N'wi voni eku ncinceni, eka maska leyi a ri ka yona Yena, hikuva a tifunengetile engubyeni ya nyama. Kambe loko kamba leri ra Koroni ri wela ehansi, swingaleswi Ri ta tisa tinxaka hinkwato. U rhumeriwile eka va-Yuda, hakunene, enkarhini walowo. Kambe kamba leri ra Koroni ri boheka kuwa; Xikwembu lexi funengeleke, enyameni ya yumunhu, xi ti fihla eka lava va nga pfumeriki, kambe xi ti paluxa eka vapfumeri.

⁶⁷ Eka Yohana 1, "Ekusunguleni a kuri ni Rito, Rito a ri ri ni Xikwembu, kutani Rito a xi ri Xikwembu. Nakona Rito ri endliwile nyama, ri tshama exikarhi ka hina, hi N'wi vona, loyi a nga Yexe eka Tatana, a tatiwa hi tintswalo." Sweswi, ekusunguleni a kuri ni Rito. Rito i nhlamuselo ya miehleketo.

⁶⁸ Ekusunguleni, Yena a nga ri Xikwembu. Sweswi, rito ra hina ra Xitsonga namuntlha, *Xikwembu*, ri vula "xibye xo gandzela eka xona." Swi pandzisa njhani miehleketo. U nga ha endla un'wana xikwembu. U nga ha endla xin'wana ni xin'wana xikwembu.

⁶⁹ Kambe eka Testamente ya Khale, eka Genesa 1, "Ekusunguleni *Xikwembu*," rito ri tirhisiwile, Elohim. *Elohim* swivula "La hanyaka." Kuhambana kule kwihi eka rito Elohim, eka rito ra hina ra Xikwembu. *Elohim* swivula "La hanyaka."

⁷⁰ Hi ngaka hi ngavi lava va hanyaka hina hi hexe. Hi ngaka hi ngavi va matimba, va matimba hinkwawo, lava va nga kona karhi hinkwawo, va vutlharhi hinkwabyo. Elohim yaloye swi hlamusela hinkwaswo sweswo. Hi ngaka hi ngavi tano. Nsinya lowu mi wu endlaka xikwembu, kumbe—kumbe muako, a hi leswi swi hanyaka.

⁷¹ Swingaleswi, Xikwembu, ekusunguleni, a kuri ni Vutomi, lebyi Byi nga Heriki. Eka Xona kuna vunene, nakona vunene lebyi byi vile Marito, nakona Rito ri vile nyama. Yesu a ri Mukutsuri. Nakona ku *kutsula*, swivula, "ku tlherisela endzhaku." Loko Xi ta swi tlherisela endzhaku, swi fanele swi va kun'wana ku tlherisiwela endzhaku. Swingaleswi, maswivona, vanhu hinkwavo va ngaka va nga swikoti ku swi vona, hikuva vanhu hinkwavo a va ngari emasunguleni ya miehleketo ya Xikwembu. Wa vona?

⁷² Langutani eka vaprista. Loko Va Xi vona xi tihlamusela xona N'winyi hi Rito, leswi a xi ri xiswona, va ku, "I Beelzebub." Sweswo swi kombisa laha ntumbuluko wa vona a wuri kona. A swi ri eka miehleketo ya ximanguva lawa ya siku.

⁷³ Kambe loko ngwavavani leyintsongo, leyi a hlanganeke na Yena enyangweni, nakona u n'wi byerile, a hlamusela hi sayini ya mesiya ya Yena, hi ku n'wi byela leswi a swi endleke. "Hikokwalaho ka yini," wansati a ku, "Nkulukumba, ndza swi twisia leswaku U Muprofeta. Ha swi tiva, loko Mesiya, A ta ta, U ta hi byela swilo leswi hinkwaswo." Wansati u N'wi tekerile enhlokweni tani hi Mesiya, Loyi a nga ni ntoto, hikuva u hlanganile ni swilaveko swa Matsalwa. A mi swi voni? [Nhlengeletano yi ku, "Amen."—Muhleri.] Swiphemu swimbirhi swa maphepha swi ta kun'we. Wansati, "Ha swi tiva sweswo, loko Mesiya a ta ta."

⁷⁴ Sweswi, Xikwembu xi nga hava niku ncinka rimbewu *leri ni lero*, ku kuma nchumu lowu wa bele, tani hi moldara. Kambe loko Yesu a hundzuluka, a ku, "Hi Mina loyi a vulavulaka na wena," ku hava nhlamuselo ya leyo tani hi "Beelzebub." Wansati u siyile thini ra mati, a tsutsumela edorobeni, a ku, "Tanani, mi ta vona Munhu Loyi a ndzi byeleke hi swilo leswi ndzi swi endleke. Xana Loyi a hi Mesiya la fanaka?" Wa vona?

⁷⁵ Kunene, i ncini swi endleke leswi? Ku veka Matsalwa ya khale ni ntokoto lowu—lowu Yesu a ri eku wu nyikeni wansati, wu endlile yini? Wu endlile Mesiya. Mi kale mi swi xiyisisa xana? Hi xihatla, swidyoho swa yena swi rivaleriwile, hikuva, emasunguleni, a ri mukutsuriwa, hikuva a ri eka ku ehleketa ka Xikwembu emasunguleni. Swingaleswi, swi n'wi kutsurile, kumbe ku n'wi tlherisela endzhaku, loko a vona Matsalwa lawa ya hlamuseriweke ma kombisiwa, ya Yehovha, leswi a Xi ri xiswona, leswi Xi nga xiswona.

⁷⁶ Sweswi, loko Yesu a ta, loko Yena a lo ta ni hungu ra Nowa, a ri tava ri nga tirhanga. Ku aka ngalava, yi papamala, a ri tava ri nga tirhanga. Kambe Nowa ya loye a ri xiphemu xa Xikwembu. U vile ni maendlelo lawa ya hambaneke hikuva a hambarile, nakona hungu ra yena a ri hambarile hikuva a kuri Rito leri kombisiweke.

⁷⁷ A nga tata ni hungu ra Muxé, hikuva a ri nga ta tirha. Muxé a ri Xikwembu, eka xiave, lexi kombisiweke. A ri rito leri hlamuseriweke ra awara ya leyo, kambe Yesu a nga ta fika eka sweswo. Bibele a yi kalanga yi vula leswaku U tata hi ndlela ya leyo.

⁷⁸ Kambe loko Yena a ta, ku hlamusela hakunene tani hi—hi Testamente yi nge teri Yena u ta hlamuseriwa, swingaleswi hinkwavo lava kutsuriweke va Yi pfumela, hikuva a va ri va miehleketo ya Xikwembu. Nhlamuselo ya Yena emasunguleni

leyi nga endliwa nyama, yi tlhela yi kutsuriwa, yi tlhela yi tlheriseriwela endzhaku eka Xikwembu. “Tani hi vunydingi lebyi byi N’wi amukeleke, eka vona Yena u nyikiwile matimba kuva va va vana va Xikwembu,” hikuva a va kutsuleka. A va ri kusukela emasunguleni, eka nhlamuselo.

⁷⁹ Loko hi nga yima nyana kwalahawani, loko swi nga endleka, kutani hi ehleketa ha sweswo, madyambu lawa, hi Hungu ra nkarhi, nhlamuselo ya miehleketo ya Yehovha. “Ku nga si va ni masungulo ya misava,” hi byeriwile, “mavito ya hina ya vekiwile eBukwini ya Vutomi ya Xinyimpfana.” Swingaleswi hi nga ha kota ku vona mathelo ya mbirhi, tani hilaha ndzi vuleke ekusunguleni, hikokwalaho ka yini un’wana a nga nyawuli eka van’wana. Swifanele kuva hi ndlela ya leyo. Swi tano minkarhi hinkwayo. Swive hi ndlela ya leyo minkarhi hinkwayo, nakona minkarhi hinkwayo switava hi ndlela yaleyo. “A ri Rito. Nakona Rito ri endliwile nyama ri tshama exikarhini ka hina.”

⁸⁰ Sweswi, Xikwembu, eka...endzhaku emasikwini ya Testamente ya Khale, hi kuma leswaku endzhaku kaloko Xi humelerile eka vanhu va Xona, hi swivumbeko swo hambana, Xi tifunengetile xona hi Xoxe endzhaku ka madzovo ya khale ya mintini. Xikwembu xi ti tumbeta endzhaku ka madzovo ya mintini, eka xitshamo xa Xona xa ndzivalelo. Hi kuma sweswo, leswi Solomon ya loye, loko a tava a nyikerile tempele ya Hosi, kutani madzovo lawa ya mintini a ya nembelela kwalahaya, nguvu, leswi Xi nga tisa xiswona tani hi Langavi ra Ndzilo ni hi Papa, kutani xi ya ehansi endzhaku kwalahaya, kutani xi fika xi tifunengeta xona hi Xoxe, eka misava leyi yi nga ehandle. Kambe, hi ripfumelo, Israel a ri switiva leswaku a Xi ri endzhaku kwalahaya. A va switiva leswaku Xi kwalahaya, swingari na mhaka leswaku van’wana va vahedeni va misava a va ku yini. A Xi ti fihlerile la nga pfumeriki. Kambe mupfumeri, hi ripfumelo, a switiva leswaku a Xi ri kwalahaya. A va ri ni tintswalo. Nakona a Xi ri eka xitshamo xa Xona xa Ndzivalelo, laha a kuri xihundla lexikulu.

⁸¹ Maswitiva, eka Testamente ya Khale, ku nghena eka dzovo lero a kuri rifu. Niku tshama endzhaku ka rona a kuri rifu. Swingaleswi ku nghena eVukwetsimeleni bya Xona a kuri rifu. Swingaleswi ku tshama ekule ni Vukwetsimelo bya Xona a kuri rifu. Sweswo swi humelerile, hakunene, eka ku handzuka ka nguvu eXihambanweni, loko nguvu yi tava yi handzukile, nguvu ya khale. Swingaleswi ku tshama ehandle ka Vukona bya Xona i rifu. Swingaleswi ku nghena eVukoneni bya Xona i rifu. Wa vona? Swi ncincela endzhaku nale mahlweni, kutani mi boheka ku kuma Matsalwa ya vona leswaku a va hanya eka siku rihi.

⁸² Sweswi, loko nguvu ya ha handzukile eXihambanweni, xitshamo xa ndzivalelo xi tile xi vonakala erivaleni. (Kambe

ku humelerile yini xana? A xi nembelela eXihambanweni, xi thona Ngati.) Tani hilaha va nga teka ngati, lembe rin'wana ni rin'wana, eku basisiweni ka xivandla xo hlawuleka niku n'watseka ka xitshamo xa Ndzivalelo, kwalahaya, Xikwembu, hi kuba lokukulu ka matimba ya rihat i ra Xona, ri handzurile dzovo ra khale ra ntini kusuka ehenhla kuya ehansi, hiloko xitshamo xa Ndzivalelo xi va erivaleni.

⁸³ Lexinene, Xinyimpfana xa xiviri xa Xikwembu a xi nembelela erivaleni eXihambanweni, Xitshamo lexinene xa Ndzivalelo, loko Xikwembu xi hakerile nxavo, xona hi Xoxe; nakona xi va un'wana wa hina, nakona xi ti kombisile xona hi Xoxe tani hi Munhu, leswaku xi tolovelana na hina, na hina hi tolovelana na Xona. Xitshamo xa Tintswalo a xi ri erivaleni eka va Israel hinkwavo hi siku lero ra Xitlhavelo.

⁸⁴ Kambe, yowee, mindzhavuko ya kereke ya va tatana ley i a va ri na yona eka siku lero, hi mindzhavuko ya vona, a yi funengetile Xitshamo xa ntiyiso xa Ndzivalelo kusuka eka vanhu. Loko ingi a va tivile Matsalwa, xiphemu xin'wana ni xin'wana a xi ta ta tani hi xilipi xa xi Chayina. Vuprofeta bya Testamente ya Khale a byi tava byi hetisekile, nakona swivile tano. Kutani loko a va dyondzisiwile Matsalwa, a va tava va xivonile Xitshamo xa Ndzivalelo. "Tani hi Muxe," u teri lahwani, leswaku, "eka siku leri va funengetiwile. Ra ha ri etimbilwini ta vona." A va Ri voni.

⁸⁵ Kambe, Yena a ri Xikwembu, xa mahlomulo ni Xitlhavelo. A ri Xitshamo xa xiviri xa Ndzivalelo lexi xiyimeke eka ku vonakala lokukulu. Tani hilaha hi yimbeleleke risimu:

Langutani, N'wi voneni erivaleni.
Lahaya U kona, Muhluri wa matimba,
Kusukela loko A handzurile nguvu ha kambirhi.

⁸⁶ Wa vona, U tile, Xitshamo xa Ndzivalelo, xi nembelela erivaleni emahlweni ka nhlengeletano. Kambe vona, kuva va ri ehansi ka mavonelo yo duma . . .

⁸⁷ Sweswi, vavanuna ni vavasati, ni va rhumiwa va nhlengeletano ley i, ndzi lava ku vula leswi handle ko xixima munhu. Kambe, eka leswi swi vonakarisaka xiswona namunthla, eka leswi swi vonakalaka leswi hi nga tela swona namunthla, ndza chava leswaku mindzhavuko ya vatata, kereke ya va tatana, yi tumbetile Leswi eka vanhu votala ngopfu. Kusukela loko Moya wo Kwetsima wu tile eka masiku lawa yo hetelela, tani hilaha swi profetiweke, nakona nguvu yi handzuriwile, vanhu votala va ringeta ku nembelela eka mindzhavuko ya vatata wa vona. Nakona sweswo hi swona swi endlaka leswaku va nga voni ntsako lowu wo hetelela, niku rhula, ni swilo leswi Kereke yi nga na swona namunthla. Hambi swi ri tano, Ri le rivaleni eka lava va pfumelaka.

Xi tumbetile Rito, Rito ra xitsembhiso ra siku leri.

⁸⁸ Sweswi, mindzhavuko yi endlile nguvu. Va vula leswaku masiku ya mahlori ya hundzile. Wanuna u vulavurile na mina, wa kahle, wanuna wa vunjhingha wa ndzhavuko eTucson, Arizona, laha ndzi tshamaka kona. Ndzi vile ni nhlengeletano eRamada. Nakona a hi ri ekuvulavulenli eka Business Men's Convention laha Hosi Yesu a nga va kona a endla swilo leswikulu. Nakona Mukreste loyi wa vujhingha u tile eka mina, hiloko a ku...Muministara wa kereke, wanuna wa kahle, hiloko a ku, "Makwerhu Branham, u ringeta ku kombisa nguva ya vuapostola eka vanhu," aku, "nakona laha nguva ya vuapostola yi nga hundza."

⁸⁹ Hiloko ndzi ku, "Ndza ku khongela, makwerhu wa mina, ndzi kombi laha nguva ya vuapostola yi nga hundza kona, eMatsalweni." Ndzi ku, "Nguva ya vuapostola yi sungurile hi Siku ra Pentekosta, nakona ri ta...Petro u teri, hi Siku ra Pentekosta, 'Xitsembhiso xi le ka n'wina, ni le ka vana va n'wina, ni lava va nga ekule na swona, lava va ha taka vitiwa hi Hosi Xikwembu xa hina.' Yi hundze kwihi xana? Loko Xikwembu xa ha vitana, swingaleswi nkarhi wa vuapostola wa hari eka nhlengeletano."

⁹⁰ Nakona sweswo hilaha vanhu va ringetaka ku pfala vanhu votala mahlo, hikokwalaho ka mindzhavuko ya vakulukumba, tani hilaha a swi ri xiswona. Nakona mi hlulekile ku vona leswaku hikokwalaho ka yini vanhu va tithemendhela va tlhela va hiseka. Kutani—kutani tinhlengeletano leti ti tani hi lava va saleke lava va nga nyawuleki, tani hi nchumu lowu chavisaka, eka vanhu van'wana, swi hikokwalaho ka kuvona leswaku va chuvekile rihlampfu. Va tihandzurile tinguvu leti, va nghena eka Vukona bya Xikwembu, laha va nga vona xitsembhiso lexi kombisiweke xa awara leyi xikombisiwa emahlweni ka vanhu. Va vona leswi Xikwembu xi swi tshembhiseke.

⁹¹ Eka Yoel 2:28, Xi tshembhisile, leswaku, "Emasikwini lawa yo hetelela ku tava ni mpfula ya xirimu yi nga ta cheriwa ehenhleni ka vanhu, emasikwini yo hetelela." Ndza ehleketa rito ra Xigriki lahaya i *kenos*, laha swivulaka leswaku Xi "tichulurile" xona hi Xoxe. Ku ngari hi ndlela ya leswaku hi nga vula leswaku, tani hi swin'wana leswi a swi ri endzeni ka un'wana, leswi Xi tichululeleke ehandle. Kambe, Xi ti chululerile xona hi Xoxe ehandle.

⁹² Xi ncincile; vu *en morphé* bya Xona. Xi—Xi ncincile, kusuka laha a Xi ri xiswona, kuya eka leswi Xi nga xiswona. A Xi kalanga xi ncinka ntumbuluko wa Xona. Kambe hi Siku ra Pentekosta, Xi ti ncincile xona hi Xoxe kuva N'wana wa Munhu, xi va N'wana wa Xikwembu. Xi tile, xi ngari *na* vanhu. Xi nghanile *eka* vanhu, wa vona, Xikwembu lexi fanaka, ku yisa emahlweni ministri wa Xona, eka nguvu leyi leyikulu.

⁹³ Xi profetile eBibeleni, leswaku, "Ku ta ta siku leri ri nga taka ri ngari nhlikanhi kumbe vusiku, kambe hinkarhi wa madyambu ku tava ni Rivoni." Sweswi, dyambu, hi ntivo-misava, ri xa evuxeni ri pela evupela-dyambu. Ka hari rona dyambu rin'we, nkarhi hinkwawo. Sweswi, loko, N'wana, N'-w-a-n-a, a ti hlavutela yena N'winyi eku kombisiweni ka Rito ra xitsembhiso, eka Israel, vanhu vale Vupela-dyambu.

⁹⁴ Hi twile hi ta siku ra xinyami. Hi vile niku vonakala loku ringaneleke eka va rhifomas, nikuya emahlweni, ku endla tikereke ni tidinominexini, niku ti joyina niku nghena endzeni; niku ntswontswa vana, niku tekana ni swidyuhati, niku lahla vafi, ni kuya emahlweni; niku hanya ekerekenei.

⁹⁵ Kambe, hi nkarhi wa ni madyambu, "Ku tava ni Rivoni," U teri, "enkarhini wa ni madyambu." Nakona a kuna Matsalwa lawa ya nga ta tshoveka. Nakona N'-w-a-n-a loyi a nga un'we loyi a nga tichulula yena N'winyi, *kenos*, hi Siku ra Pentekosta, u tssembhisile ku endla leswi swi fanaka hi nkarhi wa ni madyambu. Wa vona? Swi ya hi xitsembhiso.

⁹⁶ Kuma xilipi kun'we. Langutani leswi humevelaka, nakona languta leswi Yena a swi tssembhiseke, swingaleswi mi ta swivona leswaku hile kwahi. Kuma nchumu kun'we. Mi nga ha swivona kufununguleka ka Loyi wa matimba lamakulu. Vundzhavuko byi pfarile vanhu mahlo, nakambe, eka swilo leswi swi nga profetiwa.

⁹⁷ Muxe, loko a ta a huma entshaveni, laha a ri eNdzilweni, xi saseke njhani xifaniso xexo!

⁹⁸ Muxe u yile a Egipta a ya byela kereke ya va tatana leswaku Hosi Xikwembu xi n'wi endzerile hi Vito ra "HI MINA LOYI A NGA KONA." Vito rero ri le ka nkarhi wa sweswi; ku nga ri leswaku "A ndzi ri kona; ndzi tava kona." Kambe, "HI MINA LOYI A NGA KONA," hambi leswi a fanaka, ni tolo, namuntlha, ni hilaha ku nga heriki. U hi nkarhi lowu hundzeke. Yena... Leswi swi pimanisiwaka ni va-Heveru 13:8, "Yesu Kreste hi yena tolo, namuntlha, ni hilaha ku nga heriki."

⁹⁹ Ra ha ri Rito leri profetiweke. Nakona, nhlengeletano, sweswo i ku hlangana ka Rito lero, ntokoto wa siku leri. Varhifomas va na swona, oho, kambe leri i siku rin'wana. Langutani siku leri hi hanyaka eka rona. Ntsena tani hiloko Yena a nga taka a ngati, emasikwini lawa Yena a nga tata emisaveni, hi—hi ndlela leyi Muxe a nga ta hi yona, kumbe un'wana wa vaprofeta lava nga ta; a swi profetiwanga. Nakona emasikwini lawa yo hetelela, swi profetiwile leswaku swi ta ta hi ndlela leyi. Swi ngaka swi ngati hi xivumbeko xa mpfuxelelo wa Luther. Swi ngaka swi ngati hi xivumbeko xa mpfuxelelo wa Wesley. I awara ya ku vuyelerisela. I nkarhi lowu wu fanelaka wa ku tlhelela eka Rivoni ri N'wana ra ntiyiso, ra ntiyiso.

¹⁰⁰ Oho, hi nga ma vekisa ku yini Matsalwa endzeni, eka sweswo! Na n'wina va ntivo-vukwembu, i xiphemu xihi xa misava mi humaka eka xona, maswitiva leswaku Walowo i ntiyiso. I xitshembhiso. Sweswo hi swona leswi swi endlaka vanhu leswaku va nga nyawuli. Sweswo hi swona swi endlaka leswaku va va lava nga twisisekiki, sweswo hi leswi mi va vitanisaka xiswona. Swi hikokwalaho ka...i...Nguvu yi pfuriwile, kusuka eka mindzhavuko, nakona va Swivona. Hi yena tolo, namuntlha, ni hilaha ku nga heriki. Wa vona? I—i xitshembhiso xa Xikwembu, nakona hi ngaka hi nga yi kuya lwisana na swona, hikuva Matsalwa ya ngaka ya nga tshoveki. Ina. Hi kuma leswaku Yena u swi tshembhisile sweswo. Yena u ti chulurile yena hi Yexe eka vanhu va Yena. Nakona hi Yena tolo, namuntlha, ni hilaha ku nga heriki.

¹⁰¹ Muxe, endzhaku kaloko a yile eEgipta niku swi hlambanya leswi, swingaleswi Tatana u tiyisisile hungu ra yena, hi kuta eNtshaveni ya Sinayi, hi Langavi ra Ndzilo leri ri fanaka, niku vekela ntshava eNdzilwени. Hi kale hi swixiyisisa xana? Un'wana loyi A n'wi nyikeke xitshembhiso, U n'wi tisile emahlweni ni Rito. A ri ni milawu. Nakona u vile ni milawu leyi, u vile ni...Milawu a kuri Rito. Rito a ri nge se fika eka vanhu. Swingaleswi, Rito minkarhi hinkwayo ri ta hi muprofeta, nakona A ri muprofeta wa awara yaleyo.

¹⁰² Tani hi, Yesu a ri Rito. Yohana a ri muprofeta. Nakona Yesu u tile eka yena, ematini, hikuva Rito minkarhi hinkwayo ri ta hi muprofeta, ku nga ri niku tsandzeka. Wa vona? Rito ri tile eka yena.

¹⁰³ Swingaleswi, Muxe, Rito ri tile eka yena; milawu. Nakona a ri na yona. Sweswi, hikokwalaho ka yini? Loko Rito ri nga se humeseriwela ehandle niku va ri kombisiwa, Muxe a fanele ku ti funengeta xikandza xa yena, hikuva Rito a ri nga se kombisiwa hi ku hetiseka. A va tiva swin'wana leswi nga humelela, kambe a va nga switivi leswaku a kuri yini, ku vomba niku duma. Kufikela laha, va nge, "Pfumelela Muxe ku vulavula, ku nga ri Xikwembu."

¹⁰⁴ Hiloko Xikwembu xiku, "Kunene, Ndzi ta endla sweswo. Kusukela sweswi kuya emahlweni, a Ndzi nge he humelerisi xiswona leswi nakambe. Ndzi ta va rhumela muprofeta. Swingaleswi u ta...Ndzi ta vulavula hi muprofeta wa Mina."

¹⁰⁵ Sweswi, loko Muxe, hi nawu wa ntumbuluko, (tani hi Paul, eka va-Korinto va Vumbirhi lahawani, yi hlavuteriweke eka hina), a fanele a funengeta xikandza xa yena hi ntumbuluko, hi swihi swin'wana laha Ximoya xi nga ta kwetsimisiwa niku funengetiwa eka lava va nga pfumeriki swi nge se kombisiwa eka yena! Hi swihi swo tala leswi va nga swivilaka...Muxe a nga twisiseki. Hi swihi swo tala leswi n'wina va nga mi vulaka

swona, loyi a nga handzula nguvu, u yile eka Langavi ra Ndzilo, u vuyile ni Mikateko! Nakona sweswi mi funengetiwile. Vanhu va ngaka va nga swivoni. Va ngaka va nga Ri twisisi.

¹⁰⁶ “Loko ntumbuluko wu kwetsimisiwa, leswi swi nga ehandele ka ntumbuluko swona ke! Loko ntumbuluko, lowu wu nga na makumu eka wona, wu fanele wu kwetsimisiwa, ku ta humelela yini hi Leswi swi nga riki na makumu eka swona, swi nga ta kwetsimisiwa!”

¹⁰⁷ Kambe, hambi swi ri tano, Ri funengetiwile. A Ri funengetiwanga eka mupfumeri, kambe eka loyi a nga pfumeriki. A ngaka a nga Ri voni. Xikwembu minkarhi hinkwayo xa tifunengeta xona N’winyi eka lava va nga pfumeriki. Mindzhavuko ya Ri fihla. Tani hi laha va swi endleke, va ha swi endla namuntlha.

¹⁰⁸ Yaleylo i nguvu ya ximoya leyи hi nga na yona sweswi, laha nguvu ya ntumbuluko a yi ri kona. Va tiyisisiwile hi muprofeta ni Rito leri tsariweke, xiprofeti, un’wana loyi a taka ni Rito leri tsariweke, ku Ri andlala erivaleni.

¹⁰⁹ Va switivile leswaku Rito a ri ri kwalahaya, kambe a va swi tivanga leswi a Ri swivula. Nakona Muxe u Ri andlarile erivaleni. A ku, “Milawu yi vula *Leswi*, nakona *leswi* hikokwalaho ka yini.” U ri andlarile erivaleni. Nakona Ri nga se andlariwa erivaleni, a Ri funengetiwile.

¹¹⁰ Swingaleswi swi tano, namuntlha, ri tifunengetile evanhwini, kufikela laha Ri paluxiwaka ri andlariwa evanhwini. Xikwembu, Xikwembu xa matimba hinkwawo, xi ti funengeta enyameni ya yumunhu, Rito. Xiyisisani. Sweswi hi kuma leswaku ri tumbelerile lava nga pfumeriki, kambe ri hlavuteriwa eka vapfumeri.

¹¹¹ Xiyisisani, Muxe a fanele a nghanisa Langavi leri ra Ndzilo, a ri yexe. A kurihava loyi a ta famba na yena. A swi nga ri tano...swi...Xana sweswo swivula yini eka hina? Leswaku a mi ti eka Leswi hi ku joyina ntlawa wa Pentekosta. Wa vona? A Xi kalanga xi Swi paluxela ntlawa. Xi swi paluxerile eka un’we. Nakona yaleylo hi yona ndlela leyи yi nga xiswona namuntlha. Mi ri, “Ndzi nghena ke—ke kereke. Ndzi—ndzi nghena *leyi*.” Kambe sweswo swi ngaka swi nga tirhi. Wa vona?

¹¹² Ni loyi a ringeta ku landzelela Muxe, ku swi encenyeta, a kuri rifu. Swingaleswi switano namuntlha, rifu ra ximoya, ku ringeta ku encenyeta. Sweswo hi swona swi...

¹¹³ Madyambu lawa, hi nghena eka, ku na ku pfuka exikarhini ka mintlawa, nxaxameto wa xinyama; un’wana u ringeta ku endla tani hi Rona, niku hanya vutomi byo hambana; wa nwa, wa zaha, vavasati va nga hanya (hi yin’wana) hakanyingi hi ndlela yin’wana leyи va yi lavaka, nakona tani hi misava, va

tshama ekaya va hlalela thelevhixini, ni swilo swa misava, nakona hambi swi ri tano va tititana va Pentekosta. Va ringeta ku encenyeta xiviri. A Ri kalanga ri hlavuteriwa eka vona, hambi swi ri tano. Loko Ri hlavuteriwele, ra kwetsima, nakona swin'wana swi teka sweswo swi humesela ehandle eka n'wina loko mi famba Lahaya. Mi va nguvu. I...Ntsena swi ngaka swi nga tirhi. Nakona ku Swi encenyeta i rifu.

¹¹⁴ Nguvu ya Muxe; a ri Rito leri ri hanyaka eka vanhu. Nakona namunthla, vanhu lava va nga funengetiwa i nchumu wun'we. "Va tsariwe vuapostola, va hlayiwa hi vanhu hinkwavo." Ku ngari vuapostola byi *tshwa*; kambe Vuapostola lebyi byi tsariweke, lebyi kombisiweke. Hi...hi vona lava va pfumelaka Rito ni xitsembhiso xa siku leri, leswaku Xikwembu xile ku chululeni ka Moya wa Xona, ehenhleni ka nyama hinkwayo, nakona sweswo swi tsariwile vuapostola. Nakona loko munhu a ringeta ku encenyeta sweswo hi xinyama, swi tlherisela mindzilo. Vutomi bya wena byi kombisa leswi u nga xiswona.

¹¹⁵ Nkarhi wun'wana a kuri ni jaha, leri ri nga kumeka ri ri ekhombiyeni. A ri ri jaha ra kahle, kambe u—u yile ekhotsweni. Kutani muavanyisi u teri, "Ndzi ku vona nandzu. Ndzi fanele ndzi ku xupula vutomi bya wena ekhotsweni."

¹¹⁶ A ku, "Ndzi lava ku ringeta nandzu wa mina." A ku, "Ndzi lava ku famba ehenhleni ka rhikodo ya mina."

¹¹⁷ A ku, "A wu na rhikodo. Rhikodo ya wena hi leswi swi ku avanyiseke."

¹¹⁸ Kutani hi yona ndlela leyi swi nga hi yona namunthla, xivangelo hi leswaku kereke a yi tsundzuxiwanga tani hilaha a yi fanerile. Yi rhikodo. Yi muhembi. Hi fanele hi tinyiketa hi vunyingi. Hi fanele hi pfumela Rito rin'wana ni rin'wana ra Xikwembu. Hi fanele hi lava kufikela laha Rito ri vaka kahle eka hina. Wa vona? Wa vona? Rhikodo hi yona yi hi hlayisaka kusuka eku nghenen endzeni.

¹¹⁹ Kambe, nkarhi wun'wana, (ku mi pfumelela ku huma eka goji leri), ekhotsweni yo fana ni leyi, jaha a ri ri hava mali. A ri nga ta swikota ku ti hakelela ri huma. Ndziho a wuri eka magidi ya tidolora. Kambe a ri ni buti wa yena lonkulu loyi a nga ta a ta n'wi hakelela.

¹²⁰ Sweswi, hi ni Buti lonkulu, Yesu, N'wana wa Xikwembu. Nakona U ta eku hi hakeleleni leswaku hi huma, loko ntsena hi nga swi pfumela niku ti pfumelela ku nghena eka nguvu na Yena. Tani hilaha, A nga Muxe wa hina. Yesu i Muxe wa hina wa namunthla. Muxe, nguvu, a ri Rito leri hanyaka eka vanhu. Namunthla, Yesu, la funengetiweke, i Rito leri hanyaka eka vanhu, leswaku, Yesu eKerekeni. Moya wo Kwetsima, N'wana wa Xikwembu eka vanhu, a paluxa Rito hi xitsembhiso xa siku leri, a ri endla leswi Rona ri nga xiswona. Ku fana ni sweswi.

¹²¹ Nakona tsundzukani, Muxe u swi endlile leswi, a tlhela a swi kombisa leswi, ku ngari eka misava hinkwayo, kambe eka vanhu va eksoda, ntsena ntlawa wun'we wa vanhu, leswaku a kuri lava a va huma eka ekso... eka vu eksoda.

¹²² Kutani namuntlhha, Moya wo Kwetsima, emahlweni ka vanhu lava va nge, "Ku horisiwa ka swa Vukwembu a ku kahle." Loko ndza ha vutisa...

¹²³ Dokodela u ndzi vitanile, siku rin'wana, hi xinhwanyetana xin'wana, oho, a kuri ni mune kumbe ntlanhu wa milandzu kwalahaya, xi pavalarile ntsena eka xiyimo xa rifu, ku nyika tiawara, kutani Moya wo kwetsima wu va hanyisile. Dokodela a ri eku swi vutiseni. A ku, "Swi nga endlekisa ku yini leswi xana? Hikokwalaho ka yini," a ku, "Ndzi—ndzi... Yaloye i muvabyi wa mina."

¹²⁴ Ndzi ku, "A ri tano. Kambe sweswi a ri wa Xikwembu. I—i, i xibye xa Xona sweswi." Wa vona?

¹²⁵ Swingaleswi maswivona leswi swi nga xiswona, leswaku Xikwembu xi vitana ti eksoda, ti ta tisuka endzhaku ka khetenisi ra xinyama leri ri ringetaka ku encenyeta, loyi a ringetaka ku joyina kereke; kungari Methodist, Baptist, Presbyterian, hinkwato ka tonu, kambe tikereke ta Pentekosta. I mhaka leyi yi nga yin'we. Hi wena na Xikwembu. Mi fanele mi nghena endzeni, ku ngari ntlawa wa n'wina, ku ngari kereke ya n'wina, ku ngari mufundhisi wa n'wina, kambe hi n'wina mi faneleke mi nghena endzeni.

¹²⁶ Ndzi mi lava mi xiyisia xihlawulekiso xin'wana xa Muxe, loko a huma. Hambi swi ri tano, kuva a ri muprofeta, kuva a ri wanuna lonkulu hilaha a ri xiswona, loko a huma ni Rito, vanhu va n'wi vonile leswaku u ncincile. Swin'wana swi teke ndzhawu eka yena. Loko a ta a huma ni Rito leri tiyisiweke ra awara ya leyo, milawu, a ri munhu loyi a ncincile.

¹²⁷ Swingaleswi na n'wina mi tava tano, loko mi ta mi huma eka nguvu yaleyo ya yuminhu leyi yi nga ta hleka eka nhlengeletano tani hi leswi; wanuna yaloye loyi a nga ta khunguvanyeka eka ku horisa eka swa Vukwembu, niku vula leswaku masiku ya mahlori ya hundzile. U tshikile eka nguvu yaleyo ya yuminhu kwalahaya, nguvu ya ndzhavuko, nakona un'wana ni un'wana u ta tiva swin'wana leswi nga humelela eka n'wina.

¹²⁸ Tani hi makwerhu wa hina wo xiximeka, Jim Brown. Ndza swi ehleketa vunyingi bya va Presbyterian va switiva leswaku swin'wana swi n'wi humelerile, hikuva a—a huma eka nguvu ya vu-ndzhavuko. U vonile swin'wana eka vanhu, leswi swi n'wi kokeke mahlo, nakona u humile a suka eka nguvu.

¹²⁹ Kunene, n'wina, loko mi huma eka nguvu, mi ta vonakala hi ku hetiseka eka vanhu, leswaku ku na leswi swi nga

humelela eka n'wina. Rito leri funegetiweke, eka loyi a nga pfumeriki, kambe erivaleni eka mupfumeri. “Yesu Kreste hi yena tolo, namunlha, ni hilaha ku nga heriki.”

¹³⁰ Swingaleswi, a kuri Xikwembu. Emasikwini ya vona, a kuri Xikwembu eka Munhu, N'wana wa Xona, Yesu Kreste. Hi pfumela sweswo. Ku nga ri ntsena muprefeta, ku ngari ntsena munhu ntsena, vumunhu ntsena. A kuri Xikwembu eka Kreste; Xikwembu eka Munhu; ku hetiseka ka mirhi wa Vukwembu bya Xikwembu, hi miri eka Munhu. Xikwembu eka Munhu!

¹³¹ Sweswi i Xikwembu xi nga evanhwini, ku hetiseka ka Xikwembu eka mirhi wa Vukwembu, eka Kereke ya Xona ya khale, xi tikombisaka xona hi Xoxe, xi hetisisa Rito ra Xona.

¹³² Sweswi hi kuma, Xikwembu, eka tinguva hinkwato, a xi ri ni dzovo eka Rona. Xona, Xikwembu, a xi titumbetile hi nguvu.

¹³³ Ntsena swi ndzi tsundzuxa hi swin'wana swa—swa xitorhi nyana lexi ntsongo lexi humeleleke Edzongeni. Swingaleswi a kuri ni muti wa Vakreste. Swingaleswi emutini lowu wa Vakreste a va pfumela eka Xikwembu, nakona a va—va ehleketa hi sweswo—sweswo leswi Xikwembu xi va hlaysiake eka makhombo hinkwawo. Nakona, laha, Xi swi endleke. Nakona a va ri ni Junior lontsongo, xifanyetana xa kwalomu ka nkombo kumbe nhungu wa malembe hi vukhale. Nakona—nakona xi yile exikolweni xa Sonto nakona a xi ri ndzumulo xa kahle. Kambe a xi chavisa hi xihuhuri, ngopfu—ngopfu loko rihat i hatima.

¹³⁴ Kutani leswi ndzi swi byerile wanuna un'wana, siku rin'wana, loko xiphemu lexi xi tile ni wanuna loyi kuva a horisiwile. Ministara yena ya loyi u teri, “Va ti endlela xikwembu ha wena, Makwerhu Branham.”

¹³⁵ Kunene, a ri muavanyisi, swingaleswi ndza ehleketa a ndzi ri ni maendlelo ya ku swi tshovelela swi suka, ntsena swintsongo nyana. Ku ngari ku vavisa, maswitiva, kambe ntsena kuva ni vunene... Ndzi ku, “Xana sweswo swile kule ni Matsalwa xana, leswaku swiva tano?” Wa vona? Ndzi ku, “Ee, a swi tano,” ndzi ku, “hikuva Yesu u vitanile vaprefeta ‘swikwembu.’ Wa vona? Sweswo hi swona, ‘Xikwembu.’”

¹³⁶ Kutani va ku, “Kunene, n'wina vanhu mi ringeta ku teka ndzhawu ya Xikwembu.” Sweswo a swile ehandle ngopfu. Sweswo hi swona swi nga xiswona hakunene. Sweswo hi swona. Xikwembu xi ti kombisile hi nyama, ntsena tani hilaha Xi tshembhiseke ha kona.

¹³⁷ Eka xindyangwana lexi, ha swi kuma. Ndzi n'wi byerile xitorhi nyana lexi lexintsongo, lexi xi takemiehlekeweni ya mina sweswi. Leswaku, madyambu man'wana ku tile bubutsa, nakona manana u teri eka Junior, a ku, “Sweswi, u ya ehenhla exithizini, jaha, u ya etlela.”

A ku, “Mhani, ndza chava,” a vula tano.

“A ku na lexi nga taku chavisa. Famba u ya etlela ehenhla.”

¹³⁸ Junior lontsongo u pavalarile kwalahaya, kutani rihati ri hatima emafastereni. Nakulorhi lontsongo a sungula ku rhurhumela, a ti funengeta nhloko, nakona hambi swi ri tano a ha ri twa ri—ri rihati, kumbe ku vona ku hatima emafastereni, ni—ni ku twa tilo loko ri duma. Hiloko a ku, “Mhani!”

Hiloko wansati a ku, “U lava yini, Junior?”

A ku, “Tana haleno u ta etlela na mina.”

¹³⁹ Swingaleswi u gonyerile ehenhla hi switepisi, tani hi vukahle byin’wana, laha manana la tshembhekeke a nga byi endlaka. Nakona u gonyile, hiloko a tlakula Junior lontsongo. Kutani a ku, “Junior, manana u tsakela ku vulavula na wena ntsena xinkadyana.”

A ku, “Swikahle, mhani.”

¹⁴⁰ A ku, “Sweswi u fanele u tekela leswi enhlokweni. Hi ya ekerekeni, hi ntolovel. Hi hlaya Bibele. Ha khongela. Hi ndyangu wa Vukreste. Hi pfumela eka Xikwembu.” Kutani a ku, “Hi pfumela sweswo, eka mabubutsa ni swin’wana leswi swi yaka emahlweni, Xikwembu i muhlayisi wa hina.”

¹⁴¹ A ku, “Mhani, ndzi pfumela swin’wana ni swin’wana swa sweswo. Kambe,” a ku, “loko ku hatima kwaloko ku tshunela,” a ku, “Ndzi—ndzi lava Xikwembu ni dzovo eka Rona.”

¹⁴² Swingaleswi, ndza—ndza ehleketa, ku ngari ntsena Junior, kambe hinkwerhu ka hina hi titwisa xisweswo. Loko hi va kun’we, loko hi khongeliana, Xikwembu xi ri ni dzovo eka Rona.

¹⁴³ Nakona hi kuma leswaku Xikwembu minkarhi hinkwayo xi na dzovo leri nga eka Xona. Loko Muxa a tava a Xi vonile, a Xi ri ni dzovo ra nhlonge eka Xona, a xi languteka tani hi Wanuna. Loko Xikwembu xa hari endlaku ka makhetenisi, a Xi ri ni nhlonge eka Xona. Nakona Xikwembu, emadyambyini lawa, eKerekeni ya Xona, xi ti funengetile eka Kereke ya Xona hi nhlonge leyi yi nga eka Rona. Xa ha ri Xikwembu xona xexiya, emadyambyini lawa. Hi kuma sweswo.

¹⁴⁴ Kambe sweswi, tani hilaha, nguvu ya nhlonge hi yona yi khomaka mindzhavuko. Ntsena a va pfumeri leswaku sweswo i Xikwembu xi endlaka vona vanhu va endla tani hi sweswo. Wa vona? Swi hikokwalaho ka Xikwembu xi ti funengeteke eka Kereke ya Xona, eka nhlonge, nhlonge eka Rona. Sweswo swi lulamile. Xi ti fihlile eka lava nga pfumeriki, xi ti paluxa eka vapfumeri. Ina, nkulukumba.

¹⁴⁵ Sweswi, loko nguvu ya vona ya ndzhavuko, ya ndzhavuko wa vakulukumba na Rito, swi tshoviwile, oho, hakunene,

namunlha, swingaleswi swi ta erivaleni, hi Xi vona, Muvumbi nakambe a tifunengete enyameni ya vumunhu. Va-Heveru 1 yi vule tano.

¹⁴⁶ Na Geneza 18. Tsundzukani, Xikwembu a xi ri Wanuna la yimeke lahaya, a dya, niku vulavula na Abraham, niku vula leswi Sarah a swi endla etendeni endzhaku ka Xona.

¹⁴⁷ Nakona Yesu u teri, “Tani hilaha a swi ri emasikwini ya Sodoma, swi tava tano eku Vuyeni ka N’wana wa munhu.” Muvumbi nakambe a tifunengeta enyameni ya vumunhu! Sweswi, tsundzukani, Yesu a nga kalanga a vula a ku, “Loko N’wana wa Xikwembu a tava a hlavuteriwile.” Eka Luka papila ra vu17, ndza pfumela, na kwalomu ka ya vu20, vhese ya vu21, kun’wanyana kun’we lahaya, A ku, “Loko N’wana wa munhu a tava a hlavuteriwile.” N’wana wa munhu, endzhaku e—e—e Kerekeni nakambe, a ti paluxa eka xivumbiwa xa vumunhu; kungari N’wana wa Xikwembu, kambe N’wana wa munhu nakambe, kutlhelela endzhaku eKerekeni ya Yena nakambe, emasikwini yo hetelela. Hi kuma leswaku U tshembhisile sweswo eka switshembhiso swa Xikwembu.

¹⁴⁸ Hi tekela enhlokweni nchumu wun’wana, eka Testamente ya Khale. Ndzi na Matsalwa lahawani, eka Eksoda. Leswaku, madzovo ya khale ya mintini, ma endlile yini? Ma tumbetile ku Kwetsima ka Xikwembu evanhwini. Madzovo ya mintini; hambi kuri vanhu va ngaka va nga Ri voni, hikuva a kuri dzovo leri Ri ri khomeke. Dzovo a ri ri rona... Ku Kwetsima ka Xikwembu a kuri endzhaku ka dzovo.

¹⁴⁹ Nakona sweswi ku Kwetsima ka Xikwembu kule ndzhaku ka nhlonge ya n’wina. Sweswo hi swona. Nakona mindzhavuko a yi Ri voni. Ri le ndzeni ka nguvu, laha Rito ra Xona ri nga kona.

¹⁵⁰ A kuri na yini endzeni ka dzovo lero endzhaku lahaya, madzovo ya khale ya ntini?

¹⁵¹ Laha, “Kuhava ku saseka laha hi nga Ri tsakelaka. Nakona loko Ri endliwile nyama ri tshama exikarhini ka hina, hambi swi ri tano a Ri na ku saseka loku hi nga ku tsakelaka eka Rona.”

¹⁵² Nakona sweswi hi leswi swi nga xiswona namunlha. Kuhava nchumu eka wanuna kumbe eka wansati, leswi nga tsakeriwaka. Hi leswi Swi nga endzhaku lahaya. Sweswo hi leswi swi nga xiswona. “Kambe,” mi ri, “nakulorhi yaloye, ndza swi tiva u toloverile kuva xilovekeke. U toloverile ku endla *leswi*.” A ndzi na mhaka ni leswi a tololekeleku swi endla. I ncini lexi fihliweke endzhaku ka dzovo lero? I ncini lexi nga endzhaku lahaya, sweswo hi leswi swi hlayiwaka. Sweswo i yini, vanhu i mabofu. Dzovo ri pfala vanhu

mahlo. Wa vona? Va ri, "Ndzi tsundzuka wansati yaloye a toloverile." Ndzi tiva leswi a swi tolreveleke, kambe sweswi ke? Wa vona?

¹⁵³ Madzovo ya vona, lawa nkarhi wun'wana a mari eka ntini, kambe sweswi ma tumbeta ku Kwetsima ka Xikwembu, va na Rona ri ti funengetile endzhaku ka rona. A ri ri eka xiharhi, kambe sweswi ri funengeta ku Kwetsima ka Xikwembu.

¹⁵⁴ Swingaleswi ni nhlonge ya n'wina yi nga ha ncinciwa, emadyambyini lawa, yi endliya ndzhawu ya vufunengelo bya Xikwembu, Xikwembu xi tshama eka vumunhu.

¹⁵⁵ Langutani. Madzovo ya khale ya ntini, ha kumisia, endzhaku a ya ri... Endzeni kwalahaya a kuri ni Rito. Nakona, Rito, lahaya a kuri ni xinkwa xa xikombiso. Areka a yi haxiwile. Nakona a kuri yini? Ku Kwetsima ka Shekinah a kuri kwalahaya.

¹⁵⁶ Sweswi, Rito i Mbewu, nakona Ri ngaka ri nga tisi nchumu kufikela laha—laha N'wana a Ri baka. N'wana u fanele a va ehenhla ka Mbewu, ku Yi endla leswaku yi tswala, ku yi endla leswaku Yona yi vuyeleta. Nakona yaleyo hi yona ndlela yi ri yoxe. Mi teka Rito, wa vona, tekan Rito ra Xikwembu etimbilwini ta n'wina, nakona mi famba eVukwetsimeleni bya Shekinah. Loko mi swi endla, Ri ta tisa xinkwa xa xikombiso, Mana, xexo xi nyikiwa ntsena vanhu lava va tihlawuleke. Nchumu wun'we ntsena lowu wu nga xi dyaka, lowu wu pfumeleriweke ku xi dya, ntsena i vanhu lava va pfumeleriweke lava va Ri tivaka. Paul u teri lahawani, "Ku ncinka kusuka eka ku Kwetsima ku ya eka ku Kwetsima." Maswivona, eku heteleleni, Rona ra ta kufikela laha Ri tlhelelaka eka Ku Kwetsima ka xiviri.

¹⁵⁷ Ntsena swi fana ni mbewu ya ku kwetsima ka ni mixo. Mbewu ya xiluva, yi wela ehansi. Mbewu ya nkoroni yi wela ehansi. Hi wihi nchumu wo sungula? Yi humela ehandle, yi ri ximilana lexi ntsono. Hi loko xi ya eka tasele. Swingaleswi, kusuka eka tasele, xi tlhelela eka ndoho ya yona yo sungula.

¹⁵⁸ Hambi swi ri tano, sweswo hi swona hakunene leswi Kereke yi nga swi endla. Yi huma eka Luther, Wesley, nakona sweswi yi tlhelela endzhaku eka ndoho yo Sungula, Yi tlhelela endzhaku eka ku Kwetsima ko sungula, yi tlhelela endzhaku eka ku Kwetsima laha a Yi ri kona emasunguleni. N'wana loyia humaka eVuxeni, ka ha ri yena N'wana loyi a kombisaka nchumu wun'we eKupeleni, wa ti ncinka kusuka eka ku Kwetsima ku ya eka ku Kwetsima. Yi ncincile kusuka eka vuvedeni, kuya ehansi eka Luther; na kusuka eka Luther, ku ya ehansi eka Wesley; kusuka eka Wesley, kuya ehandle eka Pentekosta; ni kuya emahlweni, ku ncinka kusuka eka ku Kwetsima kuya eka ku Kwetsima, ku humesiwa Mana lawa a ya tumbetiwire.

¹⁵⁹ Nakona sweswi Ri vupfile, ku N'wi vuyisela endzhaku tani hilaha Yena a ri xiswona emasungulenii, ministri wa Yena lowu fanaka; Yesu la fanaka, matimba man'we, Moya wo Kwetsima lowu wu fanaka. Wun'wana lowu wu fanaka ni lowu wu enhleke hi Siku ra Pentekosta, wa hari Moya wo Kwetsima lowu wu tikombisaka namuntlha, kusuka eku Kwetsimeni kuya eku Kwetsimeni, kuya eVukwetsimeleni. Nakona wu tlhelela endzhaku eka Mbewu leyi yi nga ya Rona, ni nkhuvulo wa Moya wo Kwetsima; ni masingita man'we, ni mahlori man'we, ni nkhuvulo wun'we; ni vanhu va muxaka wun'we, va endla hi ndlela yin'we, hi matimba man'we, ni matwele man'we. Swi suka eka ku Kwetsima kuya eka ku Kwetsima. Leswi swi landzelaka ku tava ku ri, "Ku ncinka eka ku Kwetsima loku, eka miri tani hi miri Lowu nga wa Yena lowu kwetsimaka, laha hi nga ta N'wi vona." Abraham u vonile swo fana.

¹⁶⁰ Sweswi xiyisisani. Ha swivona leswi swi nga ncincisa xiswona. Ku sukela eXihamban'weni, hi rhambiwile ku ta avelana ku Kwetsima ka Yena. Sweswi, eka Vakorinto vo Sungula 12, "Hi khuvuriwile eka Miri wa Yena. Hinkwerhu hi khuvuriwile eka Moya wun'we." Ku nga ri hi "mati" man'we. "Hi Moya wun'we, hinkwerhu hi khuvuriwile." Sweswo hi swona, sweswi, swingaleswi hi va xiphemu xa Yena.

¹⁶¹ Ndza tshembha a ndzi le ku mi hlweriseni. [Nhlengeletano yi ku, "Ee."—Muhleri.] Wa vona? Ndza tshembha a ndzi endla tano.

¹⁶² Kambe, ntseña swi tani hi ntwanano lowukulu wa mimpfumawulo lowu wu nga eku tlangeni, kumbe ku tlanga drama.

¹⁶³ A ndzi tivi ngopfu hi mintwanano wa mimpfumawulo kumbe drama. Kambe a ndzi hlalerile ku tlanga ka leswi.... A ndzi ri ekuvulavuleni hi *Carmen*, loko nhwana wa mina na vona va ha ri eka swona. Nakona a va ri—nakona a va ri eku tlangeni eka ntwanano lowu wa mimpfumawulo, *eCarmen*. A va ri eku tlangeni. Vunanga a byi—a byi—a byi endla swo fanana.

¹⁶⁴ Yaleylo hi yona ndlela leyi swi nga xiswona loko hi khuvula hi Moya wo Kwetsima, eka Kreste.

¹⁶⁵ Sweswi, wa vona, vunyingi bya n'wina mi hlayile kumbe mi twile hi xitorhi xa muntlambhi lonkulu wa Russia loyi a nga ntlambha *Petro Na Hlolwa*. Ni leswi a ri xiswona, va swi tlangile sweswo hi swikombiso ni swin'wana. Nakona un'wana ni un'wana loyi a tivaka xitorhi, loyi a xi hlayeke ephepheni, kutani mi nga ha twa ntwanano walowo wa mimpfumawulo, leswi yi tlangisaka xiswona, drama, ku yi tlanga, hikokwalaho ka yini, va tiva ku ncinka kun'wana ni kun'wana. Va nga ha yi languta *lahawani*, niku vona ku ncinka.

¹⁶⁶ Kambe, sweswi, ku humelela yini loko—loko mutlambhi a tsala swin'wana, nakona ntseña hi kuma leswaku sweswo a swi tlangiwangi kahle? Hi kuma leswaku sweswo hi swin'wana

leswi nga humelela. Ku na swin'wana swi xotaka, loko hi va vona. Loyi a ri tlhambheke u ri endlile a tlhela a ri tsala, swingaleswi ntwanano wa mimpfumawulo i ku chaya ka rona, ri ba noto yo hoxeka. Ku na swin'wana swi nga hoxeka. Mukondleteri u nyikile maendlelo yo hoxeka. Wa vona?

¹⁶⁷ Nakona yaleyo hi yona mhaka namunlha, vamakwerhu va mina va Lutheran, vamakwerhu va mina va Baptist, vamakwerhu va mina va Pentekosta. Hinkwerhu vamakwerhu va mina kusuka eka tidinominexini to hambanana, sweswo hi leswi swi nga xiswona. Wa vona? Mi ringeta ku nyika noto leyi yi belaka endzhaku emasikwini ya Luther, Wesley, tani hi sweswo, loko, kahle-kahle, Lakani ra vunanga lahawani ri kombisa leswaku i siku rin'wana. Wa vona? Wa vona? Wa vona? Hi ngaka hi nga hanyi eka rivoni ra Luther; a ri wa rhifoma. Ha xi amukela xi—xi xiphemu xa yena, kambe hi xi tlangile xi humile. Hi le ndleleni *lahawani* endzhaku ka Buku sweswi. Wa vona? Hi ngaka—hi ngaka hi nga Ri chayisi xiswona sweswo.

¹⁶⁸ Sweswi, ndlela yin'we ntsena leyi mi nga yi endlisaka xiswona, va makwerhu va mina, hi leyi. Ni vamakwerhu va misava, va timheho to hambana ta misava, ndzi nga ha vula leswi, kova na ndlela yin'we ntsena ya sweswo—ya sweswo eka mukondleteri ku swi endla. U fanele a nghena eka Moya wun'we ni lowu mutlambhi a ri eka wona, swingaleswi u na Wona. Nakona loko Kereke, yi twananisa mimpfumawulo yona hi Yoxe, laha misava yi hlalelaka masingita ni mahlori lawa; loko Kereke, ni Muntlambhi, ni mukondleteri, hinkwavo va nghena eka Moya wa Muntlambhi.

¹⁶⁹ Swingaleswi loko va ku, “Masiku ya mahlori ya hundzile,” a swi bi noto ya kahle.

¹⁷⁰ Kambe loko swi nghena eka ku jomba ka kahle ka Rona, ni Moya wa kahle wa Rona; u ta swi endlisa ku yini kufikela laha Moya wu enhleka, wa Muntlambhi? Amen. Swingaleswi loko mi ku, “Masiku ya mahlori a ma hundzanga.” Ntwanano wa mimpfumawulo wa rila, “Amen.” Loko hi ba, hi ku, “Yesu Kreste hi yena tolo, namunlha, ni hilaha ku nga heriki.” Ntwanano wa mpfumawulo wa rila, “Amen.” “Mi ta amukela matimba endzhaku ka loko Moya wo Kwetsima wu ta enhlela ehenhla ka n'wina.” Ntwanano wa mimpfumawulo wa rila, “Amen. Ndzi na Wona.” Ka ha ri hava ntirho lowu wu bvumbhiwaka ha swona kwalaho. Ntwanano wa mimpfumawulo hinkwavo wu le ka ntwanano wun'we ni Rito. Wa famba...[Makwerhu Branham a phokotela mavoko ka nharhu—Muherli.] Sweswo hi swona. Oho! I nchumu wo saseka ngopfu. Mukondleteri ni Muntlambhi va fanele va va eka Moya wun'we. Ni tintlambhi ti boheka ku va eka Moya wun'we, ku Wu kombisa hinkwako. Nakona misava yile ku hlalameni leswaku ku humelela yini.

¹⁷¹ Vukhomonisi va vulavula hi byona, nakona swi ndzi hlambisa timbilu, ni hinkwako ku miyela ni swin'wana ni swin'wana, niku avana. Oho, tintswalo! Tani hi, hinkwabyo vunsambala lebyi, loko ku Vuya ka Hosi kuri ekusuhi swinene, ku na swin'wana leswi swi baka hi ku hoxeka. Ndza chava leswaku mukondleteri u ni...Vakondleteri va humile eka Moya wa Muntlambhi.

¹⁷² Loko hi kuma Moya wa Muntlambhi, matimba ya lawa ya ntiyiso ya Xikwembu lawa ya nga vula hi Bibele loko yi te, "Vavanuna va khale va fambisiwile hi Moya wo Kwetsima ku tsala Bibele leyi," mi ta swivona swiphemu swimbirhi swa maphepha ya Machayina swi ta ta kun'we, ntsena tani hi Bibele ya Xikwembu ni mupfumeri va ta ta kun'we, hikuva ha vambirhi va le ka Moya wun'we. Havumbirhi va nchumu wun'we. Va khomana kun'we eka nchumu wun'we. Lexi hi xi lavaka namuntlha i va kondleteri, sweswo hi swona, kutlhelela eka Rito, kutlhelela endzhaku niku Ri pfumela tani hilaha Rona ri swi vuleke. Swingaleswi mi vona Xikwembu, xona hi Xoxe. Sweswo i ku fununguriwa. Drama yi endliwile yi va ya xiviri.

¹⁷³ Namuntlha, va ri, "Kunene, hi Xona Xikwembu xa matimu. Ha switiva Xi tsemakanyile Lwandle ro Tshwuka. Xi endlile hinkwaswo *leswi*. Nakona a Xi ri e—e kheleni ra ndzilo, ni vana va va-Heveru." Hi byih vukahle bya Xikwembu xa matimu, a swi tano, loko Xona xi ngari lexi fanaka namuntlha? Munhu u kwetsimisa Xikwembu eka leswi Xona xi swi endleke, ku ehleketa hi leswi Xi nga ta swi endla, niku honisa leswi Xi swi endlaka. Sweswo ntsena hi leswi swi nga eka munhu ku swi endla. Nakona i nchumu wun'we namuntlha, vamakwerhu va mina. I nchumu lowu wu nga wun'we. Oho, mina!

¹⁷⁴ A hi tlheleleni endzhaku hi ya kuma ntwanano wa mimpfumawulo lowu wu chayaka kahle, laha va misava va nga ta swivona. Yesu u teri, "Loko Ndzi tlakusiwa kusuka eka misava leyi, Ndzi ta tshuneta vanhu hinkwavo vata eka Mina." Nakona, "Hi yena tolo, namuntlha, ni hilaha ku nga heriki."

¹⁷⁵ Mi nge vakondleteri va kumeka eka Moya lowu nga wona, ni tintlambhi ni Muntlambhi, swin'wana ni swin'wana swi tava leswinene. Swingaleswi hi kona, ku hava ntirho lowu wu bvumbiwaka ha swona, hi tiviwa na Yena hambi swi ri tano. Va-Heveru 13:8 yi teri, "Hi yena tolo, namuntlha, ni hilaha ku nga heriki.

¹⁷⁶ Hi tiviwile na Yena eka Mintirho 2. Hi tiviwa na vona, hi nkhuvulo wun'we, nchumu wun'we. Hinkwaswo leswi Yena a ri xiswona ni hinkwaswo leswi Yena a nga xiswona, hinkwaswo leswi Yena a ri xiswona ni hinkwaswo leswi Yena a nga xiswona, hi tano. Hakunene hiswona.

¹⁷⁷ Ntsena tani hiloko ndzi lava kuva mu Amerika wa ntiyiso, ndzi fanele ndzi tiviwa hi swin'wana ni swin'wana leswi a nga xiswona, hinkwaswo leswi a nga xiswona. Ndzi fanele ndzi tiviwa na rona, loko ndzi ri mu Amerika wa ntiyiso.

¹⁷⁸ Loko ndzi ri mu Amerika wa ntiyiso, swingaleswi ndzi tshamile etikweni ra Plymouth Rock. Amen. Ndzi swi endlile, loko ndzi ri mu Amerika. Swingaleswi na n'wina switano; mi tshamile etikweni ra Plymouth Rock ni vatatana va vaendzi. Ehenhla ka Plymouth Rock, loko va ha tshamile kwalahaya, a ndzi ri na vona; swingaleswi na n'wina swi tano, un'wana ni un'wana.

¹⁷⁹ Ndzi jika-jikile na Paul Revere, epatwini, ku tshinya khombo rin'wana na rin'wana. Sweswo hi swona leswi nga swona.

¹⁸⁰ Kona kwalahawani eValley Forge, ndzi tsemakanyile ayisi ya le Delaware, ni ntlawa wa masocha lava, xiphemu xa vona, a va nga ambalanga tintanghu. Ndzi khongerile vusiku hinkwabyo na George Washington, hi ku khensa. Ndzi tsemakanyile Delaware ni xivono embilwini ya mina. Hi ma Amerika. Ina, nkulukumba. A Valley Forge, hakunene ndzi swi endlile.

¹⁸¹ Ndzi tlherisele ku khensa niku Khensa ka xiviri ka vatatana. Ndzi tlherisele ku khensa eka Xikwembu. Loko ndzi ri mu Amerika wa xiviri, ndzi tiviwile kwalahaya e tafuleni lero.

¹⁸² Loko ndzi ri mu Amerika wa xiviri, ndzi tiviwile loko ndzi yimile na Stonewall Jackson.

¹⁸³ Loko ndzi ri mu Amerika wa xiviri, ndzi tiviwile eBoston Tea Party, ina, nkulukumba, loko hi ala kuva ni swilo leswi swi kokiweke emahlweni ya hina. Kunene, ndzi tani hi mu Amerika wa xiviri. Ndzi tiviwile kwalahaya hi sweswo. Ina, nkulukumba. Oho, mina!

¹⁸⁴ Ndzi bile Liberty Bell, hi ti 4 to sungula ta Mawuwani, hi 1776. Ndzi bile Liberty Bell lahawani ku hlambanya leswaku hi ntshunxekile. Ku va mu Amerika wa xiviri, ndzi fanele ndzi va tano.

¹⁸⁵ Ndzi tiviwile ni tingana ta yena eka Vuhlonga, loko makwerhu a lwisanile naswona. Ndzi fanele ku hlayisa tingana ta yena, ku fana ni loko ni hlayisa ku kwetsima ka yena. Loko ndzi ri mu Amerika, ndzi fanele ndzi va tano. Ndzi tiviwile na yena. Ina, nkulukumba.

¹⁸⁶ Ndzi tiviwile eGettysburg ehansi lahaya, loko Lincoln a tava a endlile mbulavulo wa yena. Ina, nkulukumba.

¹⁸⁷ A ndzi ri eWake Island, ehenhleni ka mirhi wa socha leri a ri ri ni ngati. Ndzi pfuke eWake Island.

E Guan, ndzi pfunile ku tlakusa mujeko walowo.

¹⁸⁸ Ndzi mu Amerika wa xiviri. Amen. Hinkwaswo leswi A nga xiswona, ndzi tano, nakona ndza tinyungubyisa ha swona.

Ina, hakunene. Hinkwavo va Amerika va tano, hinkwaswo leswi A nga xiswona, ndza ha ri xi sweswo, kuva mu Amerika. Swin'wana ni swin'wana leswi A nga xiswona, ndzi fanele ndzi va tano, hikuva ndzi tiviwa na yena.

¹⁸⁹ Nchumu wun'we, hikuva Mukreste wa ntiyiso, mi fanele mi tiviwa hi byona.

¹⁹⁰ Ndzi chumayerile na Muxe, ni nyi-... kumbe na Nowa, niku tshinya vanhu hi ku avanyisa loku ku taka; kuva Mukreste wa ntiyiso.

¹⁹¹ A ndzi ri na Muxe eka xihlahla lexi a xi pfurha. Ndzi vonile Langavi ra Ndzilo. Ndzi vonile ku Kwetsima ka Yena. A ndzi ri na Muxe lahaya emananga, kuva Mukreste. Ndzi fanele ndzi tiviwa ni hinkwaswo leswi Xikwembu a xi ri xiswona, kuva Mukreste. Ndzi vonile ku kwetsima ka Yena. Ndzi ri twile Rito ra Yena. U nga ringeti ku swi hlamusela swi fambela ekule na mina sweswi, hikuva a ndzi ri kwalahaya. Ndzi tiva leswi ndzi vulavuluka hi swona. Ndzi vonile leswi swi humeleleke. Ina, nkulukumba.

¹⁹² A ndzi ri eLwandle ro Tshwuka, loko ndzi ta vona Moya wa Xikwembu wu famba niku ava mati ma va ematlhelö; ku nga ri tinyandza ta tinhlanga, hilaha va ringetaka ku swivula namunthla, kambe kuya hi kwalomu ka minkondzo ya makume nkaye elwandle. Ndzi vonile Moya wa Xikwembu. Ndzi fambile na Muxe eka misava yaleyo yi omeke, ku tsemakanya Lwandle lero ro Tshwuka.

¹⁹³ Ndzi yimile eNtshaveni ya Sinayi ni vona tilo niku hatima ku wa. Ndzi dyile Mana na vona ehandle kwalahaya. Ndzi nwile kusuka eka Ribye lero. Ndza ha ri eku swi endleni madyambu lawa. Ndzi tiviwile ni vadyi va Mana. Ndzi tiviwile na vona lava va nga nwa kusuka eka Ribe lero.

¹⁹⁴ Nakambe ndzi tiviwile loko Yoxuwa a chaya mhalamhala, makhumbhi ya Yeriko ya wela ehansi.

A ndzi ri ekheleni ra tinghala na Daniel.

A ndzi ri ekheleni ra ndzilo na vana va va-Heveru.

A ndzi ri eNtshaveni...na Eliya eNtshaveni ya Kamele.

¹⁹⁵ A ndzi ri na Yohana Mukhuvuri, nile mahlweni ka va avanyisi va vona. Ndzi vonile Moya wa Xikwembu wu xika. Ndzi twile Rito ra Xikwembu ri ku, "Loyi i N'wananga Loyi Ndzi N'wi rhandzaka eka Yena Ndzi tsakela ku tshama kona." Ina, nkulukumba. Ndza pfumela leswaku ndzi tiviwile na yena. Sweswo hi leswi swi nga swona.

¹⁹⁶ Ndzi tiviwile lahaya esirheni ra Lazaro, loko A pfuxa Lazaro. Ndzi tiviwile, wansati exihlobyen, loko A tava a n'wi byerile swidyoho swa yena. Ina, nkulukumba.

¹⁹⁷ Hakunene ndzi tiviwile na Yena eka rifu ra Yena. Nakona ndzi tiviwile eka Paseka yo sungula. Ndzi pfukile na Yena ekufeni. Ndzi tiviwile na Yena eka rifu ra Yena.

¹⁹⁸ A ndzi ri na dzana na makume mbirhi, ekamareni ra le henhla. Ndzi tiviwile na vona ehenhla kwalahaya. Heyi! Ndzi—ndzi titwa ndzi kateka. Oho, mina! Ndzi tiviwile kwalahaya. Ndzi un'wana wa vona. Ndzi tiviwile. Ndzi na ntokoto wun've ni lowu a va ri na wona. A ndzi ri kwalahaya loko swi humelela, kuva Mukreste wa ntiyiso. Ndzi vile mbhonni ya Moya wa matimba lowu a wu tsutsuma wu ta. Ndzi vile mbhonni ya sweswo. Ndzi twile matimba ya Xikwembu tani hilaha A ma ninginisa. A ndzi ri na vona loko va vulavula hi tindzimi. Ndzi twile ntoto wu ta kwalahaya. A ndzi ri na vona. Ndzi tiviwile na vona loko Moya wo Kwetsima wu sungula ku vulavula hi tindzimi, na vona.

¹⁹⁹ A ndzi ri na Petro, emahlweni ka vaavanyisi eka Mintirho 2, loko a chumayerile nchumayelo lowukulu lowu a wu endleke. Ndzi tiviwile na yena. Ina, nkulukumba.

²⁰⁰ Eka Mintirho 4, loko va hlengelatanile kun've, a ndzi ri na vona loko muako wu ninginika. Endzhaku ka xikhongelo, muako wu ninginikile laha a va tshamile kona. Ndzi tiviwile na vona kwalahaya.

Ndzi chumayerile na Paul eMars Hill. Ina, nkulukumba.

²⁰¹ A ndzi ri na Yohana eXihlaleni xa Patmos, ni ku vona ku Vuya ka Yena ra vumbirhi.

A ndzi ri ni Luther eka rhifomexini.

²⁰² A ndzi ri na Wesley, xisana xexo xa ndzilo; a xivutla kusuka emindzilweni, loko ku pfilunganya lokukulu ku lwisana na kereke ya Anglican. A ndzi ri kwalahaya na yena.

²⁰³ Nakona lahawani hi mina loyi emadyambyini lawa, 1964, eFiladelifiya, Pennsylvania, ndzi tiviwile ni muxaka wun've wa ntlawa, ni muxaka wun've wa ntokoto. Ndzi fanele ndzi va tano, ku va Mukreste. Ndzi fanele ndzi tshama ndzi tiviwa laha Rito ra Xikwembu ri kombisiwaka. Ndzi tiviwile ni ntlawa lowu wu twaka Moya wa Xikwembu.

²⁰⁴ Ndzi tiviwile ni ntlawa lowu wu tivaka leswaku U fununguriwile, lowu wu tivaka leswaku hi Yena tolo, namunthla, ni hilaha ku nga heriki, lowu wu tivaka leswaku Leswi a hi swihoxo. "I Yesu Kreste la nga tolo, namunthla, ni hilaha ku nga heriki." Ndzi tiviwile ni ntlawa walowo lahawani, emadyambyini lawa. Hambi loko, va vitaniweke ntlawa wa vahehli, hambi loko kuri ntlawa wa vahoxi, hikokwalaho ka Rito ra Xikwembu. Kambe, "A ndzi na tingana hi Evhangeli ya Yesu Kreste, hikuva I matimba ya Xikwembu ya ku ponisiwa," nakona ndzi un'wana. Ndzi na

vona vaapostola lava va hanyaka ndzi nga vulavula hi vona, lava yimeriweke, Xikwembu xi tifunengetile eka xivumbeko xa vumunhu, eka vavanuna ni vavasati. Oho!

²⁰⁵ Xikwembu eka *en morphe* wa Xona nakambe, xi ti funungula xona hi Xoxe xi tlhela xi tienda xi tiveka xona hi Xoxe eka vanhu va Xona. Hosi leyikulu Leyi yi nga veka ethelo ku Kwetsima ka Yona. “Kungari kungani misava yi ngaka yi nga ha Ndzi voni. Ndzi tava ndzi ti funengetile eka vona. Kambe n’wina mi ta tlhela Mi ndzi vona, hikuva Ndzi tava na n’wina, ndzi tshama na n’wina, ndlela hinkwayo yo ya eku heriseni, ku ncinca kusuka eka Luther kuya eka Wesley, kuya emahlweni nile mahlweni, kusuka eku Kwetsimeni kuya eku Kwetsimeni. Ndza hari Xikwembu lexi hanyaka, niku tlhelela endzhaku eka ku Kwetsimeni loko sungula.” Haleluya!

²⁰⁶ Xi handzurile nguvu ya dinominexini yin’wana ni yin’wana, rihlampfu ra mpfumawulo wun’wana ni wun’wana. Mpfumawulo walowo lowu nge, “Oho, sweswo i xihoxo,” Xi tshovile eka sweswo. Mpfumawulo lowu wu humaka kwalahaya, wu ku, “Oho, vanhu va vona va penga.” Xi handzurile nguvu yaleyo. Ina, Xi swi endlile. “Oho, mi ngaka mi nga swi endlile. A mi nchumu ntseña ntlawa wa vahoxi.” Xi handzurile eka sweswo. “Ku hava nchumu wo fana na wolowo tani hi ku horisiwa ka swa Vukwembu.” Xi handzurile eka sweswo, oho, mina, tani hilaha Rito ra Xona ri ngeteri Xi ta swi endlile. Mi ngaka mi nga hluri Rito ra Xikwembu.

²⁰⁷ Nakona lahaya Xi yimile, hambi swi ri tano, emadyambyini lawa, Muhluri wa matimba, kusukela loko Xi handzurile vuMethodist hinkwabyo, Baptist, Presbyterian, muxaka wun’wana na wun’wana wa nguvu. Xa ha yima exikarhini ka vanhu va Xona, emadyambyini lawa, a xi hluriwanga hi mindzhavuko. Mi nge vanhu va vula leswi va lavaka ku swivula, va endlile leswi va swilavaka ku swi endlile, swin’wana ni swin’wana leswi va lavaka ku swi endlile. Xikwembu xa ta, xi tshovelela rihlampfu lero ra mpfumawulo.

²⁰⁸ Nakona tsundzukani, va ndzi byela, loko xihaha-mpfhuka hakunene xi tshovelela mpfumawulo walowo wa rihlampfu, a kuna mpimo eka rivilo ra xona.

²⁰⁹ Ndza mi byela, loko mi tshova rihlampfu lero ra ndzhavuko, leswaku “Yesu u le ndleleni yo vuya, nakona A nga sweswi,” loko mi kuma leswaku hi Yena tolo, namuntlha, ni hilaha ku nga heriki, a kuna mpimo eka leswi Xikwembu xi nga swi endlile lahawani eka nhlengelatano leyi, niku komba misava leyi leswi yi swilavaka: kungari vunene bya misava, kambe mpfuxelelo wa misava lowu wu nga ta tatiwa niku khuvuriwa eka Vukona bya Xikwembu lexi hanyaka, *en morphe* ku fununguriwa eka xona hi Xoxe eka nyama ya vumunhu. Haleluya! Ndza swi pfumela.

²¹⁰ Ku tshoveka rihlampfu rin'wana ni rin'wana, nguvu yin'wana ni yin'wana, nguvu yin'wana ni yin'wana! Kuhava lexi nga fihlaka Vukona bya Xona. Loko vanhu va va ni ndlala etimbilwini ta vona, ku na nguvu leyi nga lulamiseriwela ku handzuriwa. Ntsena mi nga ha tshembheka eka sweswo. Handzula nguvu yin'wana ni yin'wana, hi Moya wo Kwetsima lowukulu wa Xona!

²¹¹ Nakona lahwani Xa yima, emadyambyini lawa, Muhluri wa matimba, la nga tolo, namunlhla, ni hilaha ku nga heriki; ku horisa vavabyi, ku khuvuriwa vapfumeri, ntsena tani hilaha Xi swi endleke minkarhi hinkwayo. Hi Xona Muhluri wa matimba. Vajavulosi va khombo vale kutsutsumeni. Ina, nkulukumba. Va tano minkarhi hinkwayo, loko Xi ri kona.

²¹² Hi ku pfala, ndzi nga ha vula leswi. A kuri ni... Ku hlaya xitorhi, malembe yo hlaya lawa ya hundzeke, hikwalaho ka muchayi wa vhayolina wa mudyuhami. A ri ni vhayolina ya khale leyi a vaya eku yi xaviseni. Mi twile hi ta xitori lexi, minkarhi yo tala. Nakona va lavile ku yi xavisa hi nchumu wun'wana. Nakona muxavisi u teri, "I mani a nga ta ndzi nyika *so-na-so?*" Ndza pfumela u nyikerile swingwence swintsongo, nkarhi wun'wana ntlhanu wa macheleni, kumbe swin'wana. "Ma famba kan'we, kumbe ma famba kambirhi, . . ."

²¹³ Hi ku kongoma, wanuna u yimile endzhaku. A ku, "Ntsena yima nyana." Nakona u fambile a ya yi teka. A hi ehleketeni leswaku u chayile leswi:

Ku ni Xihlovo lexi nga tatiwa hi Ngati,
Leyi humesiweke emisiheni ya Emanuel;
Loko vadyohi va nyupela endhambhin',
Kusuka swinaka hinkwaswo swa vona.

²¹⁴ Swingaleswi loko a yi vekile ehansi, a kuri hava tihlo leri omeke endzhawini. Hiloko a ku, "I mani a nga ta nyikela xana?"

²¹⁵ Un'wana a ku, "Ntlhanu wa magidi. Khume ra magidi." A yi nga ri na nxavo lowu tshamisekeke. Hikokwalaho ka yini? N'wi—n'wi n'winyi wa vhayolina wa mudyuhami u hlamuserile nkoka wa ntiyiso.

²¹⁶ Oho, buti, sesi, sweswi pfumelani N'winyi wa Rito leri, Loyi a Ri tsaleke, Moya wo Kwetsima lowukulu, Xi tlakuserile ehenhla ku titsongahata ka Xona hirirhandzu, xi ku koka ku tsemekanya timbilu ta n'wina.

Ku ni Xihlovo lexi nga tatiwa hi Ngati,
Leyi humesiweke eminsiheni ya Emanuel.

²¹⁷ Mi ta vona nkoka lowu heleleke, mi vona Xikwembu lexi fununguriweke xi ta erivaleni. Leswaku, Xona xa ha fana ni laha Xona a xi ri kona loko Xona xi enhla hi Siku ra Pentekosta, ehenhleni ka vanhu, loko Xi *titivisa* xona hi Xoxe, "xi tichululela" eka Wona. Sweswo swi lulamile.

²¹⁸ Mi ri, “Makwerhu Branham, ndzi ringetile. Ndzi ringetile. Ndzi endlile *leswi, sweswo, swin'wana.*”

²¹⁹ Siku rin'wana a ndzi ri na nhlengeletano eCarlsbad, New Mexico. Nakona hi yile ehansi eka vukulu lebyi bya vukhale bya mangedyana kwalahaya. Nakona a xi languteka tani hi xipuku, nakona hi enhlerile kwalahaya. Nakona wa-wa wanuna, loko a fika kwalahaya endzhawini leyi, u-u timile mavoni. Kutani, oho, wa mina, mi nga ha swivona leswaku a kuri na xinyami xa njhani. Ntsena i . . . I xinyami ngopfu mi nga ha xitwa.

²²⁰ Nakona sweswo kova ntsena ndlela hilaha minkarhi yi nghenaka, loko hi vona kereke leyi yi tsandzekaka ku tekela enhlokweni Rito ra Xikwembu; loko mi vona vanhwenyana va hina va Zion va endla hi ndlela leyi va endlisaka xiswona; loko mi vona vabuti va hina lava va zahaka niku nwa, ni-ni kuvula mafenza ya thyaka ni swin'wana, vava va ha ringeta ku khomelela eka ku tivula ka vona eka Kreste. Oho, mina, i xinyami. I nsumo wa xinyami.

²²¹ Hi vona sayini ya ku Vuya ka Yena. Ku tava ni . . . Minkarhi hinkwayo kuna xinyami loko ntsena siku ri nga se fika. Swingaleswi Nyeleti ya ni Mixo yita yi ta xeweta siku, niku ri twarisa, niku kombeta leswaku ri le kuteni. Mi xiyisia.

²²² Kwalahaya, loko va susa sweswo, ku ni xinhwenyetana ntsena lexi xi huwelelaka hi rito ra xona leri tlakukeke. A kuri ni xifanyetana xi yimile ekusuhi xi ta letela, nakona u vonile muleteri yaloye loko a tima mavoni tani hi sweswo. Nakona sesi nyana yaloye a ri ntsena kwalomu ka fiti. A ri eku huweleleni, a tlulela ehenhla nale hansi. “Oho! Ku ta humelela yini ku nga ri khale? Mhaka i yini?” Mhaka i yini?”

²²³ Maswitiva leswaku a huwelelala yini? A ku, “U nga chavi, sesi nyana. Kuna wanuna lahayna loyi a nga ta layita mavoni.”

²²⁴ Yingisa, sesi nyana, u nga ha ehleketa leswaku hi vatsongo nakona a hi talanga. Kambe, u nga chavi. Kuna Wanuna lahayna Loyi a nga ta layita Mavoni. Yaloye i Moya wo Kwetsima. Ma swi pfumela xana? [Nhlengeletano yi ku, “Amen.”—Muhleri.]

²²⁵ A hi korhamiseni tinhloko ta hina ntsena xinkadyana. Ndzi khomeleni ku va ndzi mi hlwerisile.

²²⁶ O Xikwembu lexikulu xa Matilo, lexi xi tifunungleke xona hi Xoxe, Wena la nga tipetsangiki, u titiviseke Wena n'winyi, Hosi leyikulu ya ku Kwetsima, teka swifaniso leswi swintsongo, emadyambyini lawa, u swi wisela ehansi etimbilwini ta vanhu. Leswaku hi nga vona Un've loyi a fununguriweke, yaloye Un've Loyi a nga enhlela ehansi a ta handzula nguvu ya tempele; a huma ni nguvu yaleyo, a tlhela a enhla nakambe eka nguvu ya yumunhu, hi Siku ra Pentekosta; wa hari yena la fanaka, a ti ncinka eka ku Kwetsima kuya eka ku Kwetsima.

²²⁷ Nakona sweswi hi tlhelerile endzhaku tani hi ntumbuluko hinkwawo, hi tlanga, kutlhelela endzhaku eka Mbewu ya ntiyiso, kusuka eka nguva yin'wana ya kereke kuya eka yin'wana. Nile ka nguva leyi yo hetelela lahwani, hi hina lava, kutlhelela endzhaku eka Nchumu wa ntiyiso lowu wu weke hi Siku ra Pentekosta, ku hetisisa Matsalwa hinkwawo, "Rivoni hi nkarhi wa ni madyambu," nakona, "Mintirho leyi Ndzi yi endlaka mi ta yi endla na n'wina," ni swilo swo tala leswi U swi tshembhiseke eRitweni ra Wena.

²²⁸ Tatana, loko kuri ni un'wana lahwani loyi o ka a nga se handzulaka nguvu yaleyo sweswi, kumbe loko kuri ni un'wana lahwani loyi a encenyetaka un'wana loyi a nga ta famba ni nguvu, nyika tintswalo emadyambyini lawa, Tatana. Leswaku va nga ha vona Muhluri yaloye wa matimba a yimeke lahwani, a tele hi tintswalo ni matimba, ya ku rivalela. Hi nyike swona, Tatana.

²²⁹ Loko tinhloko ta hina ta ha korhamile, ku nga hava kuri ni van'wana lahwani? I vangani, ndzi nga ha vula leswi, lava va nga ta ku, "Makwerhu Branham, ndzi tlakusa voko ra mina. Ndzi khongeleri?" Ntsena tshamani mi korhamisile tinhloko ta n'wina, mi yimisa mavoko ya n'wina, "Ndzi lava ku handzula nguvu yin'wana ni yin'wana, kufikela laha hakunene ndzi vonaka Muhluri." Xikwembu a xi mi katekisi. Mina, emavokweni! Ehenhla eka tibalkhoni, kuya exineneni? Xikwembu a xi mi katekisi. Etibalkhonini endzhaku? Yimisani...Xikwembu a xi mikatekisi. Tshembhekani hakunene. Eximatsini? Yimisani mavoko ya n'wina, mi ku, "Makwerhu Branham, ndzi nga hava ndzi vile Mukreste malembe yo tala, kambe, hakunene, a ndzi kalanga ndzi ta eka nguvu yaleyo. Hakunene a ndzi kalanga ndzi swi endla. A ndzi kalanga ndzi va na swona Sweswo va nga na swona sweswi." Namunlhha, hi na... "Ndzi ximilani lexi xi tshwelaka ebedeni."

²³⁰ Teka xiluva lexi xi nga kulela ebedeni leyi yi hisaka, u fanele u xi mbuwetela, u xi fuwa, u xi chela murhi, u xi cheleta. Kambe ximilana xexo xa xiviri xi kulaka lahaya emananga, xiluva xa muxaka wun'we, lexi xi langutekaka kufana na xona; a xikali xi kuma hambi kuri swimatana, kambe kuhava tinsikiti leti ti nghenaka eka xona. Xi funengetiwile hi voya. I xa ntiyiso.

²³¹ U nga ha pimanisa Vukreste ni Vukreste bya namunlhha, ni lebyi a byi ri kona? U nga ha wu anakanya ntlawa lowu, lowu hi wu vitanaka Vakreste namutlha, ku rhendzeleka hi misava hinkwayo, kuva tani hi lava a va ri endzhaku ka Pentekosta; va mbuweteriweke niku bambateriwa, niku suka eka kereke yin'wana kuya eka yin'wana, nakona, u vula swin'wana leswi u nga swi laveku, yima u huma? Nakona, oho, u nga ha swi anakanya sweswo? Ee. Mhaka i yini? I ku tshovela.

²³² Michelangelo, loyi a tumbuluxeke xitsundzuxo xa Muxé, u nga ha kuma ku tshovela ka sweswo, hi ku chipa swinene. Kambe, xa ntiyiso?

²³³ Un'wana loyi a nga penda Xilalelo xa Hosi, ndza tshembha ku penda kwaloko ku ta tsutsumela mamiliyon i ya tidolara, loko u nga swi kota ku swi xava. A ndzi switivi hambi kuri ku switiva leswaku swi le kwihé. Kambe u nga ha xava ntshovelo wuntsongo wa swona hikwalomu ka dolara ni makume nkaye wa mapeni. Mi nga swi kota.

²³⁴ Nakona yaleyo hi yona ndlela leyi yi nga xiswona namunthla. Mukreste wo chipa, wa ntshovelo, ntsena mujoyini wa kereke, u nga ha va xavela sigarete kumbe—kumbe swin'wana swinwiwa swa ntolovel. Kumbe, wansati la nga kerha misisi kumbe ku penda milomo, u nga ha n'wi xava hi swin'wana ni swin'wana swa tifexeni ta misava. Kambe u ngaka u nga khumbhi xiviri xexo.

²³⁵ Ndzi N'wi vonile hi ku vonakala loku hetisekeke, la fanaka ni tolo, namunthla, ni hilaha ku nga heriki.

²³⁶ Oho, Mukreste, a wu swilavi kuva Mukreste wa ntiyiso xana? Loko kuri ni van'wana lava nga riki tano yimisani mavoko ya n'wina, mi ta swi endla? Kunene, ntsena niya eku khongeleni. Xikwembu a xi mi katekisi. Xikwembu a xi mi katekisi. Oho, sweswo ntsena swi kahle. Ntsena langutani eka sweswo.

²³⁷ Tatana wa hina la nga Matilweni, “Rito ra Wena ri ngaka ri nga tlheleri eka leswi nga riki na nchumu swa Wena.” Un'wana la endleke xitshembhiso. Ntsena ndzi na vutihlamuleri bya kuvula leswi U nga swivula. Ntsena ndzi vuyelerisa Marito ya Wena. U teri, “Loyi a yingisaka Rito ra Mina a pfumela eka Yena loyi a Ndzi rhumeke u na Vutomi lebyi nga Heriki.” U swi tshembhisile.

²³⁸ Kutani, Hosi, ha switiva leswaku hi na mintshovelo ya vona namunthla, votala va ri va pfumela, loko, a va tano. Swa vonaka. Kambe, Hosi, kuna va'wana hi xiviri, nakambe.

²³⁹ Ndza khongela ntsena leswaku u ta hi nyika, kwalahawani, emadyambyini lawa, leswaku wanuna un'wana ni un'wana ni wansati un'wana ni un'wana, mufana kumbe nhwenyana, a swi na mhaka ni leswaku i va tiko rihi leri va nga ka rona, i va muhlovo wa njhani, i va kereke yihi, O Xikwembu, va tati. Leswaku va nga ha vona ku tikombisa ka ntiyiso ka Yesu la fanaka namunthla, lahawani exikarhini ka hina, tani hilaha A ri Esikwini ra Pentekosta, loko A ti hlavutela nguva leyi, ku va Moya wo Kwetsima. Hi nyike swona, ku vona Rito loko ri hetiseka, vuprefeta loko byi humeleta!

²⁴⁰ Ha pimanisa, namunthla, leswi vitaniweke kereke ya misava, Huvo ya Tikereke ta Misava, hi swi pimanisa sweswo

ni xitshembhiso xa Pentekosta? A kuna nxanxameto, eka hinkwaswo. Hi ngaka hi nga swi kumi swiambalo leswi thyakeke swi hlantswile eka thikithi lero.

²⁴¹ Kambe, Hosi Xikwembu, loko hi tlhelela endzhaku eka Xihlovo xexo, ku ni maendlelo yo basisa, swingaleswi ntokoto wa hina na Rito ra Xikwembu swi ta fambisana ni swin'wana swa swona. Swingaleswi, hi nga ha koxa xuma xa hina. Hi nyike swona, Hosi, emadyambyini lawa, tani hilaha ni tisaka vanhu lava emavokweni ya Wena. Nyika un'wana ni un'wana leswi hi swi lavaka, Tatana. Ha swi kombela hi Vito ra Yesu. Amen.

²⁴² Xikwembu a xi mi katekisi. Ndza nkhensa, ngopfu, ku yima, ku langutela nkarhi wo leha. Nakona ndzi khomele ni kuva ndzi mi khomeletile kufikela khume ra timinetse ku bile awara ya khume. Xikwembu xi va na n'wina ku fikela ni mi vona ni mixo. Ndzi yisa ntirho sweswi eka, ndzi fanerile, eka mufambisi wa ntirho.



*XIKWEMBU XA MATIMBA LEXI TI
FUNUNGULEKE EMAHLWENI KA HINA TSO64-0629*
(The Mighty God Unveiled Before Us)

Hungu leri hi Makwerhu William Marrion Branham, ri sungurile ri hangalasiwa hi xinghezi hi Muvhulu ni madyambu, Khotavuxika 29, 1964, eka nhlengeletano ya va Full Gospel Business Men's Fellowship International eBellevue–Stratford Hotel ePhiladelphia, Pennsylvania, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org